

DEO. TER. OPTIMO. MAXIMO. FAVENTE.
DISSERTATIO JURIDICA INAUGURALIS

DE
OMISSIONE RENOVATIONIS
INVESTITURÆ FEUDALIS NON
DOLOSE FACTA, HODIE, ET PRÆ-
CIPUE IN SAXONIA, AD AMIS-
SIONEM FEUDI NON SUFFI-
CIENTE,



QUAM

INDULTU

MAGNIFICI JURE-CONSULTORUM ORDINIS

IN

ACADEMIA LIPSIENSI

PRO GRADU DOCTORALI

DEFENDENDAM SUSCIPIET

JOANNES FRIEDLIEB VOCKEL.

D, XXIII. MART. M DCC XXXIX.

L I P S I Æ,

LITTTERIS JO. HEINRICI KOENIGII.

J. H. M. M. M.

V I R O

PRÆNOBILISSIMO, AMPLISSIMO,
CONSULTISSIMO

D O M I N O

JOANNI PAVLO
VOCKEL,

DOMINO HÆREDIT. IN MANSCHATZ,
AVGVSTISSIMO POLONIARVM
REGI. ELECTORIQVE SAXONIÆ

A
CONSILIIS COMMISSIONVM
PRÆFECTURÆ DRESDENSIS PRÆPOSITO
SVPERIORI GRAVISSIMO.

P A T R I

INDVLGENTISSIMO OPTIMO
VENERANDO

HANC INAVGVRALEM
IN PERPETVVM
OBSERVANTIÆ PIETATIS
ET
GRATISSIMÆ MENTIS
MONVMENTVM
CVM VOTO
FELICITATIS CONTINVÆ
DICAT CONSECRAT
FILIVS
JOANNES FRIEDLIEB VOCKEL.

Qui collocatis in se beneficiis cum felicitate frui cupi-
unt, id maxime agere solent, ut grata devotaque men-
te, benignissimam benefactorum voluntatem agno-
scere nunquam non parati inveniantur. Idque cum eo-
rum imprimis sit, qui vitam, educationem, & omnium, quæ
ad bene beateque vivendum pertinent, copiam, a Parentibus
proficisci, reminiscuntur; eandem & mihi constitui legem,
neve meritorum vitæ, post DEVM, conditoris, immemor ef-
sem, sedulo operam navari. Hanc unicam sane rationem esse
existimavi, qua TIBI, INDULGENTISSIME PARENS,
placere possem; quippe, quem præcipue hoc in votis habere,
ex TVO suavissimo ore, plus vice simplici, audiui, ut ex TE
nata soboles, tot tantaque Paternæ liberalitatis monumenta,
non fucata mentis veneratione colat, perpetua recordatione
retineat, & sincera animi probitate persequatur. Hanc so-
lam tot sumtuum compensationem; hanc unicam, pro tot cu-
ris & indefessis pro Tuorum salute laboribus, mercedem; hoc
præcipuum senectutis condimentum, desideras, expetis, effla-
gitas. Næ! nomen ingratum audirem, si ego, cujus nun-
quam paria esse poterunt, officia, tam leve, tam tenue remun-
erationis genus reddere detrectarem. Pietatis præcepta &
laudabilis gratitudinis tramitem incedendi contentio, aliud
sua-

*frudent. Cum vero fortuna, in tribuendis, prona voluntati
viribus, noverca mihi exstiterit; aliqua saltem ratione, id,
quod plene efficere prohibeor, declarare conatus sum. Non
procul ergo mihi arcessendae fuerunt causae, cur TIBI PA-
RENS DULCISIME, vile hoc opusculum, sacrum atque
devotum esse voluim: nimirum, ut affectus, quo TE vene-
ros, nec unquam venerari desinam, publica testificatione
paterer. Quod &, quin benigne & serena, ut dicunt, fron-
te sis accepturus, tener ille & innatus parentibus amor, quem
in TE novi, & tot vicibus cognovi, me non tam sperare,
quam confidere jubet. TVAM proinde humanitatem sub-
missa mentis admiratione excipio: TEque mihi, cujus ex
TVO suavissimo ore salus pendet, nihil tutelae atque propen-
sionis, & imposterum detracturum esse, persuasissimum habeo.
Qua ut diutissime fruor, utque DEVS ter optimus terque
maximus, TE ad senem usque senectutem, saluum, sospitem,
incolumen, inter mortales versari jubeat, EVNDEM sup-
plicibus venerari precibus, & pro TVA longeva salute, sa-
cra offerre devotissima, nullum diem praetermittam. Vale!*



DISSERTATIO

DE OMISSIONE RENOVATIONIS INVESTITURÆ FEUDALIS NON DOLOSE EACTA, HODIE ET PRÆCIPUE IN SAXONIA, AD AMISSIONEM FEUDI NON SUFFICIENTE.

§. I.



On tantummodo Jcto in verbis legis acquiescendum est, mentem etiam & sensum ejus expendere debet. Id enim Celsus l. 17. *π. de Legib.* intendit, dicens: Scire leges, non hoc est, verba eorum scire, sed vim ac potestatem: quippe qui incivile esse pronuntiat, nisi tota lege per perspecta, una aliqua particula ejus

Crus explicandis legibus intentus, non verbis tantum innazere, sed & mentem legum explicari debet.

proposita, judicare, vel respondere, l. 24. *π. de legibus*; prout solidissime excussit Dn.D.MULLER in Dissert. Inaugur: de Rationibus legum investigandis. Nec aliter esse potest. Sæpe enim fieri solet, uti principium legis fini haud conveniat, illudque ab hoc corrigatur. Quod non modo in una Lege contingit, sed in pluribus sæpe de eadem re agentibus, aut aliquam inter se habentibus materiæ connexionem, v.

A

gloss.

Proinde, uti *gloss.* ad h. l. DD. Hinc industrii legum indagatores, non uni legem dubiam & obscuram ex lege explicet, & hanc cum illa conciliet, requiritur. *semper immorantur sancito, sed illo cum obscuritate quadam consistente, vel ambiguitate implicitam habente, legem ex lege explicant, dubiam mentem conciliant, defectum suppleant, & si quid obscuri inveniant, alia illustrent.*

§. II. Neque huic solummodo inhærendum est Juris-
perito. Quemadmodum enim juris rationem & æquitatis naturam benignitatem Modestinus conjungit, l. 25. *π.* de *LL.* jusque ipsum ex naturalibus præceptis gentium & civilibus collectum est, l. 1. *π.* de *Justit. & jure*, & inde Ulpianus Lib. I. Instit. suar. boni & æqui notitiam se profiteri dicit; ita, si forte quid lege constitutum inveniat, quod contra internam ipsius mentem, vel duris, vel vitiis, vel obscuris compositum sit verbis, id secundum juris communis æquitatem, quam natura suadet, quippe quæ verum justitiæ fundamentum præbet, cui leges positionesque humanæ subordinatæ sunt, interpretari ipsi incumbit. Huc jus prætorum honorarium, omne in naturali æquitate robur collocantium, spectabat: huc instituta tendunt, judicis arbitrio rerum decisionem relinquenda: huc potestas Jctis veteribus a Romanis data, jus ex æquitate supplendi redibat. vid. HEINECC. Antiquif. Lib. I. tit. II. § 37.

Ipseque facta, earumque circumstantias sedulo ponderet. §. III. Quum etiam leges, senatus consulta & Constitutiones Principum, teste JULIANO, non ita scribi potuerint, ut omnes casus, qui quandoque inciderint, in iis comprehendantur, l. 10. *π.* de *Legibus*, & sæpe accidat, ut minima saltem circumstantia, diversam rei omnique juris applicationi, faciem induat, l. 26. §. 12. *π.* de *Condict. indebit*; non ad cuncta facta, sancita eadem sunt applicanda, sed causa expendenda est, & circumstantia temporis, personarum, ipsiusque rei attendenda, quo certius perspiciat interpretes, utrum lex ad hunc vel illum casum aptari possit, an minus? Quan-

to magis Jctus caveat necesse est, ne ubicunque leges, suo tempore jure summo de re aliqua latas, nunc autem propter mutatam rei naturam haud applicandas, veneratione superstitiosa adhibeat, (cujus rei varia adfert exempla Celeb. LEYSERUS in Diss. de superstitione juridica) sed cogitet: ratione dispositionis deficiente, ipsam etiam cessare dispositionem, & ubi non datur præsuppositum, vi sua destitui dispositum.

§. IV. Quo ipso illi Doctorum procardino communi:

Lex semper loqui præsumitur, limites ponuntur certissimi.

Quamvis enim alias lex non - usu non tollatur, aliquatenus

tamen eam vi sua destitui & aboleri certum est, si nimirum

ratio dispositionis evanescat, & mutata reipublicæ forma il-

lam non admittat; quemadmodum etiam Leges Imperii

fundamentales per transformatum reipublicæ statum vigore

excidisse suo BRUNNEMANNUS, in solidissima Dissert. de

Auræ Bullæ mutatione, prolixè demonstravit. Hoc enim

genuina interpretationis restrictivæ indoles svadet. v. HORN.

Prælect. public. de interpret. juridic. cap. IV. Quis proin-

de ignorat leges de manumissione Romanorum, Æliam Sen-

tiam & Fufiam Caniniam non pristinæ amplius auctoritatis

splendorem jactare? Quem fugit, modos legandi antiquos,

per damnationem, præceptionem, vindicationem, sinendi

modum, Romannis solennes, cessare? Quis nescit, servos

nostros, quæ sibi stipulantur, non dominis, sed sibi met ipsis

acquirere, cum tamen olim iidem non sibi, sed dominis ac-

quirerent? v. Tit. Instit. de Stipulat. Servor. Deficit quippe

ratio dispositionis, vi ejus servi pariter ac liberi in pote-

state paterna constituti, communiter nihil plane sibi aquirere,

nil suum facere poterant. v. Instit. Tit. Per quas pers-

nobis acquir. Unde etiam hodie non frequentia sunt servorum

peculia, quia servi nostri ex contractu locati tantum ut

plurimum tenentur, & quidquid extra officium acquirunt,

Sciat etiam
veteres Ro-
manorum le-
ges indistin-
cte ad no-
strum ævum
applicari
haud posse.

Quum plu-
res propter
transforma-
tum Reipubl.
Statum defi-
ciente Dispo-
sitionis rati-
one vix lo-
cum inveni-
ant.

sibi acquirunt. v. BOENIGK Instit. ad Tit. *Per quas perf. nobis acquiritur.* §. 21.

Hæc si negliguntur varia dantur incommoda.

§. V. Ex quo apparet, quam Jurium interpretes prudentiam adhibere, quam accurate legum objecta distinguere, & quantum ad errores ejusmodi evitandos a legum confusione ac intempestiva earum ad facta applicatione sibi cavere debeat. Quod, si omnes institutorum explicatores considerarent, non sane sensus tam alienos sancitis affingerent, non adeo causam de antinomiis legum conquerendi nanciscerentur, non inquam, notissimæ regulæ: *Summum jus, summa injuria*, obliviscerentur, non legibus, in causis sæpe, quas non cogitavit legislator, vim singularem adscriberent, neque veterum instituta ad nostram ætatem nostræque reipublicæ vultum haud applicanda, admitterent.

Præsertim autem tot controversiæ inde nascuntur.

§. VI. Quod cum a plurimis incogitate omittatur, altercationibus frequentissimis latus aperitur campus, & perniciosus ille dissentiendi pruritus ex legibus partim, si expendantur, inter se maxime consentaneis, contradictiones invita minerva eliciendi, partim, vel legi alienam affigendo mentem, vel veteris institutum temporis, ad nostram haud referendum ætatem, coacte applicando, ex certissimo sæpe jure ambiguum efficiendi, promptam occasionem nanciscuntur. Venit inde, uti plures ejusmodi opiniones, Doctores, autoris gravitate potius, quam solida ducti ratione, suas in partes traxerint; alii autem alius veneratione interpretis permoti, adversam ediametro sententiam amplexi fuerint, & tali modo sine legum culpa, jus nostrum dubium ac incertum esse, ansam calumniandi vulgo præbuerint.

Quod ut in omnibus Jurium partibus ita præcipue

§. VII. Hæc sunt maximam partem tot tantarumque controversiarum semina, quarum, uti plurimas in omnium jurium partibus, ita præcipue in legum ac consuetudinum

Feuda-

Feudalium corpore innumera propemodum obveniunt. Quae in Feudorum materiis con-
 tanto plus damni afferunt, quod cum, quantum ad reliquo-
 rum jurium species pertinet, illorum obscuritas ac incerti-
 tudo ex tanto dissentientium agmine orta, tot tantorumque
 eximia eruditione & doctrina praedictorum Jctorum labore,
 qui pedetendim tractu temporis causas dubiorum evertendo,
 & leges sibimet contradicere apparentes concinnando, omnem
 operam navarunt, discussa sit; nemo fere eandem in Feu-
 dorum Prudentia industriam adhibendi serio proposuerit.
 Quamvis enim tanta juris Beneficarii scriptorum copia jam
 existat, ut eam, fatente HORNIO in Praefat. ad Jurispr. Feud.
 vix una ratis vehat, & neque antiquioris, neque recentioris
 ævi Jcti deficient, qui amplissimos in Feudorum instituta
 commentarios ediderunt; horum tamen plerique, quos alio-
 qui honoris causa nomino, vel gravissimas vexatissimas-
 que hujus momenti materias, aut propter operis brevitatem
 sicco transierunt pede, aut nimium juris peregrini partibus
 faventes, plus quam par erat, Longobardorum consue-
 tudinibus adhaerunt, & quævis barbarorum placita Ger-
 mania Feudis applicare voluerunt, aut veteri Saxoni-
 corum beneficiorum juri a privatis, qui mancipia & vernæ
 legum Romanorum erant, composito, nimium autoritatis
 tribuentes, omnia secundum eius principia definire ac in-
 terpretari studuerunt. Rari autem paucique fuerunt, qui
 beneficiorum Germanicorum jure ex monumentis contulerunt
 genuinis ac antiquioribus; & rariores, imo rarissimi fuerunt,
 (monente STRYKIO Beat. in literis ad HORNIIUM perscrip-
 tis, ejusdemque Jurisprudent. Feud. præfixis: qui in feudis
 Imperii cujuscunque generis dignoscendis, & causis eo per-
 tinentibus decidendis, ad præsentem Imperii nostri faciem,
 ejusque leges fundamentales respexerunt, &, qui Saxonum,
 aliorumque Germaniæ populorum mores fuerint, simulque

antiquas & recentiores constitutiones, nec non provincialia Saxonum jura vicinarumque regionum, quid in recessu habeant, quid per eas antiquatum & contraria consuetudine muratum sit, quid praxis & fori usus servet, tradere admissi sunt.

Ad quod plurimum, diversa inter se feudorum principia contulerunt.

§. VIII. Ex tanto autem principiorum Feudalium discrimine factum est, uti plurimas juris Beneficarii quaestiones legum enarratores pro principiorum & jurium, quorum auctoritati maxime favebant, diversitate, diversimode proposuerint, & indistincte, modo in controversia ex nostrae aetatis consuetudinibus decidenda, superstitiose Longobardorum mores sequerentur, modo falso existimationis praedictio ducti, casum feudalem juxta veteris Saxonici Speculi cynosuram judicarent, modo alieni plane juris, contraria consuetudine antiquati fundamento uterentur, adeo ut pauci in una eademque quaestione decidenda consentirent, sed quisque pro ratione principiorum, quibus adharebat, sententiam suam firmiori persistere talo existimaret.

Nec non ignorantia Antiquitatis & historiae Feud. Jur.

§. IX. His accessit incuria Historiae legum & antiquitatis, qua in legum explicatione tantopere opus est, ex qua tot manarunt errores, dum sancita olim & suo aëvo non sine ratione praescripta ad nostrorum feudorum facta criminibus quasi traherent, sicque ex falsa principii ratione, falsa confectaria elicere non dubitarent. Usu sane evenit in hominibus ejusmodi, magni nominis MURETI querela *Part. I. orat. 17: Homines reipublica ignari, cujus leges & jura trahebant, tanquam illuni nocte sine lumine oberrantes saepe offendunt, saepe labuntur, saepe quovis potius, quam quo instituerant, perveniunt.*

Inter precipuas de feudis quaestiones, ea celeberrima est, quae hoc §. legitur.

§. X. Inter frequentes vero de Feudis quaestiones, in quibus decidendis non pauci doctorum, fulsi legum antiquarum ad nostra feuda applicatione, impegerunt, & celebris illa non imum sane locum obtinet; *Utrum vassallus nostro aëvo prae-*

præcipue in Saxonia propter Investituræ Renovationem intra legitimum tempus sua culpa omissam, amissione feudi penam luat; an vero præter culpam, ut dolose hoc vassallus fecerit, simul requiratur?

§. XI. Priori sententiæ, culpam nimirum feudorum amissioni sufficere, quamvis haud dolus implicitus sit, plures tam prioris quam recentioris ævi Jcti adhaerunt. Et sane diffiteri non possum omnes istos, qui huic materiæ pertractandæ manum admoverunt, & quos mihi evolvere licuit, in hanc opinionem, culpam vassalli amissione clientelæ coercendam esse, veluti conspirasse. Pace tamen horum virorum, & pro libertate academica in præsentî dixerim, eam sententiam, qua affirmatur, vassallum culpa solummodo sua investituræ renovationem prætermittentem a pœna jacturæ feudi immunem esse pronuntiandum, propius ad æquitatis & justitiæ regulas accedere. Qua in sententia eo magis confirmor, animo mecum perpendens, opinionem supra laudatorum virorum suam referre originem ad id, quod nimirum, 1) aliquibus Longobardorum decretis, in quibus culpa & negligentia pro sufficienti clientelæ amissionis causa expresse declarari videtur, seducti fuerint. 2) Accessit jus Feudorum Saxonum vetus, nec non Alemannorum, quorum utrumque, uti ex diversis eorum locis infra commemorandis apparebit, consuetudines Longobardicas confirmare putatur. 3) Quibus jurium generibus uti plerumque, ita in hoc præcipue puncto, potestatem eximiam & absolutum valorem tribuerunt; adeo, ut jus Electorale ad priora partim, partim peregrina formare decreta adnisi fuerint. Utpote qui constitutioni Electorali 45. P. II. de investitura vassallorum disponenti, & clientes ad renovationem ejus intra annum & diem præstandam, nulla speciali amissionis comminatione adjuncta, commonenti, tam durum affingere sensum non dubitarunt.

Qua

Plurimi DD. solam culpam pariter ac dolum ad feudi amissionis penam in omissores Renovacionis constitutam, sufficere existimant.

Expendantur causæ, quæ DD. ad hanc sententiam amplectendam impulerunt.

Qua auctoritate permoti omne discrimen, quod nostri avi Saxoniarque Feudis arque Longobardorum clientelis intercedit, neglexerunt, & tanto errore ducti, solam in vasallo culpam deprehensam ad beneficii jacturam sufficere concluderunt.

Mihi ramen
contraria
sententia, so-
lam culpam
in Renovari
onis omisso-
res non tam
severe, ac do-
lum animad-
vertens, pla-
cet.

§. XII. Quæ quidem sententia, tanto licet Doctorum clarissimorum agmini placuerit, & quamvis ipsa legum auctoritate stabilita esse videatur, me tamen, ut in ejus partes transgrediar, non permovere potest. Aequitas potius & justitia arma mihi suppeditant, quæ contra eam tollam, & quibus adversam thesin, dolum una cum culpa requirentem, defendam. Faciam ergo id, quod desiderium exigit, & voluntatem explebo. Faciam, inquam, quæ potero, & quid humeri valeant, experiar. Interim benevolos rogo censores, ne male habeant, quod libertatem dissentendi in hac mihi parte indulserim, & ab iis discesserim, quæ summis Viris, quos alioqui religiose colo, placuerunt. Nemo etenim, omnibus in tanto quæstionum numero assentiri potest, & cum id præcipue caveam, ne modestæ leges in refutandis hujus vel illius placitis egrediar, eo facilius me, si erravero, & si ratio sufficiens meæ sententiæ defecerit, veniam consecuturum esse confido.

De Etymo-
logia vocis
Investituræ,
remissive.

§. XIII. Exorsurus igitur opus, non multum temporis conteram, nec paginam onerabo enucleando Etymologiam & Synonymiam vocis Investituræ. Hæc etenim ad propositum non spectant. Recoctam sane crambem proponerem, eaque recenserem, quibus jam dudum & vice plus simplici a viris doctissimis FERRARIO in Origin. LL. Italic. du FRESNE in Glossar. hac voce. FRANC. HOTOMAN. in Comment. de Verb. Feud. STRYKIO in Exam. Jur. Feud. cap. XII. qu. 1. HORN. Jurispr. Feud. cap. XII. §. 1. aliisque quam plurimis satisfactum est. Hoc tantum monebo, inter omnes

omnes hujus verbi derivationes, eam se mihi præcipue approbare, quam Illustr. ille Jctus JO. PETR. de LVDEWIG in Diss. de Prorogatione Investituræ, conscripta, c. II. §. 5. elegit. Qui, rejectis diversorum DD. opinionibus, ex inferioris, vel cultioris seculi notitia demonstravit, Investituram a vestitu, *dem Lehn-Kleid*, quo olim vassallos indatos fuisse constat, denominatam esse hocque, uti solet, ex harmonia Germanicæ cum hac latina voce, vestis, & *Westen*, firmavit. Unde etiam hodie ab hoc vestimento nobiles vassalli, *Veste*, pariter ac milites a voce *Sold*, *Soldaten*, in vernacula appellari, non sine ratione existimavit. v. plura cap. II. §. 5. not. ff. gg.

§. XIV. Sed hisce missis, ad ipsum potius controversiæ statum me convertam, ubi ad magis perspicuam opinionis meæ declarationem, affinium separatio quæstionum, huc tamen non pertinentium, sollicita instituenda est. Namque thesin, quod nemini vassallo ob renovationem Investituræ non dolose omissam, feudum auferri debeat, propugnaturus, sub voce Investituræ, non illam intelligo, quam quis de feudo nuper a domino directo acquisito, tanquam primus acquirens præstare debet: de qua, uti inter omnes constat, Longobardorum jure nihil præcipui cautum est, & inde pro lubitu domini & vassalli, nullo observato fatali, hæc solennitas peti ac celebrari potest. vid. HORN. Jurispr. cap. XII. §. 19. Aliiter se res habet, si dominus terminum vassallo præfixerit, hic autem ter distincta vice a domino admonitus non compa-ruerit; tunc enim per text. II. Feud. 24. §. Est & alia &c. tanquam inobediens ac contumax, jus suum amittit. Jure autem Feudali Saxonico Cap. VII. ab expectativam habente, Feudo aperto, a tempore aperturæ, intra annum & diem petenda est: quo tempore neglecto, vassallus, nisi aperturæ ignarus fuerit, hocque jurejurando comprobaverit, non auditur. SCHILT. ad Cap. XV. Jur. Aleman. Feud. Ignorantia enim

Status con-
troverſiæ
proponitur,
& affines
quæſtiones
ſeparantur.

justa a Felonia excusat, & tempus, quo investitura petitur, hoc casu, non ab aperturæ, sed scientiæ die currit, vid. SCHILT. l. c. A quo rigore Serenissimus Legislator declinans, per Constitut. 45 P. II. Investituræ petitionem homini novo, a tempore, quo possessionem adeptus est, intra annum & diem injunxit. Neque etiam mihi sermo est, de omissione renovationis abusive investorum, i. e. quando dominus alicui dominium utile signis quibusdam, futuram possessionem rei absentis, vel nondum vacuæ, innuentibus, adhibitis, coram testibus concedit. HORN. Jurispr. cap. XII. §. 3; neque de ea, quam expectativam vocant, vel Super infeudationem, in vernacula: *Angefälls-Verschreibung*, quæ in terminis tantum conventionis seu contractus consistit, nihilque aliud est, quam promissio de feudo futuro, vid. SCHILT. Jus Feud. Alem. cap. XII. Quarum utrique renovationis onus adhærere, Jure Longobardorum negatur. Jus autem Saxonicum Electorale Constit. 45 P. II. §. *So viel aber die Folge des Gedinges &c.* quoad expectativas & abusivas, cum Longobardorum consuetudinibus consentit. In nostræ pariter quæstionis controversiam, omissa ab impuberibus investituræ renovatio haut venit, utpote quos Longobardorum instituta plane excusant. II. Feud. 26. c. *Si minor &c.* & c. *Si quis decesserit.* Jus Saxonicum Electorale vero, ut tutor impuberi constitutus, dilationem petat, præcipit, cui, hoc facto, de eo, quod officio satisfecerit, Decretum, vulgo *Lebns-Indult*, exhiberi solet. HORN. Jus Feud. C. XIII. §. 11. Sic etiam hoc loco lis non est de eo casu, quando nimirum vassallus, justa interveniente causa, a renovatione investituræ impeditur; quippe quæ ipso jure clientem excusat. vid. *text. I. Feud. 22. & II. Feud. 92.* Denique nec hoc asseram, quod vassallus, renovationem negligenter omittens, jure nostro ab omni pœna immunis efficiatur; quem, ut adæquata negligentiae multa afficiatur,

ciatur, omnino dignum iudico, vid. STRUV. Syntagm. Jur. Feud. C. X. Aphor. 9. p. 383. Sed in eo cum primis litis nostræ cardo versatur; utrum scilicet culpa & negligentia, quam vassallus, omittendo investituræ renovationem, intra legitimum tempus, sine dolo tamen & dominum lædendi aut contemnendi animo adhibuit, hodie, in nostris Saxoniar præcipue feudis, ad clientelæ iacturam sufficiat? Cujus questionis negativam tuendam atque defendendam merito me suscepisse existimo. Huic autem proposito ut satisfiat, æquum & thematis naturæ conveniens erit, si dubitandi rationibus omni fide & cura præmissis, & decidendi causis subjunctis, discussioni argumentorum obstantium, operam pro virili parte navavero.

§. XV. Primum præcipuumque inter dubitandi rationes locum sibi vindicant illæ, quas tot Longobardorum textus suppeditant, qui omnes renovationis investituræ omissionem, etiam non doloſam, iacturæ pœna expresse dignam censere videntur. Quos inter *text. I. Feud. 22.* cum primis notandus venit, in quo Imperator Lotharius præscribit; *ut nemo miles ultra annum & diem vadat, non petendo beneficii sui investituram a filio vel successore domini sui, vel post mortem patris, vel alterius, cui succedere debet, nisi iusta causa intervenierit, cur non petierit, veluti mortis &c. & si non petierit, indistincte damnari jubet vassallum.* Hæc Lotharii lex unicum casum, nimirum, *si iusta causa intervenierit*, a privationis pœna excipit. Quæ autem illæ causæ sint, aliquot in hac Constitutione, & plures in aliis Feudorum textibus recensentur, de quibus vid. HORN. C. de Renov. Invest. & STRUV. Syntagm. Jur. F. C. X. p. 304. & al. comment. DD. Cum hac Imperatoris Constitutione OBERTUS II. *Feud. 24.* pr. consentit, investituræ omissionem inter primas beneficii amittendi causas referens: *Prima*, inquit, *causa beneficii amittendi est, quod si vassallus per*

Rationes dubitandi ex Legibus Longob. sumte.

annum & diem steterit, domino suo mortuo, quod heredem domini sui investituram petendo, fidelitatem pollicendo, non adierit, tanquam ingratus existens, beneficium amittit. Quibus verbis, tanquam ingratus, causa seu ratio sanctionis ab ingratitudine petita adstruitur. Nimirum comparisonem Legislatores fecisse videntur, inter donantem & donatarium, nec non dominum & vasallum. Quemadmodum enim donans donationem inter vivos susceptam, ob ingratitudinem donatarii revocare potest, l. 1 § fin. C. de Revoc. Donat; ita jure summo beneficiarium, ob non petitam investituram intra terminum præfixum, tanquam ingratus, & debitum domino honorem denegantem, feudo privari posse existimarunt. Solum vero dolum non tantummodo, sed culpam etiam & negligentiam, ut feudum caducum fiat, sufficere, ex eodem cap. II. Feud. 24. princ. in fin. verbis: *neglexerit petere investituram*, apparet. Quod ipsum Imperator Fridericus clare & perspicue repetit II. Feud. 55. §. *Præterea, si quis sua incuria & negligentia per annum & diem steterit, quod Feudi investituram a domino proprio non petierit, transacto hoc spatio feudum amittat, & ad dominum redeat. &c.* Sub incuria autem & negligentia verbo, non dolum, sed culpam jure Feudali intelligi, res certa est. Proinde II. Feud. 24. §. 2. verb: *quod si non fecerit*, dolus & negligentia distincte exprimuntur, & utraque tam fraudulenta, quam ex negligentia proveniens investituræ omisio, pari, & eadem feudi jacturæ pœna dignæ censentur.

Rationes dubitandi ex Legibus patriis antiquioribus.

§. XVI. Hæ vero Longobardorum leges in Germaniæ foro consuetudine receptæ, ut instar Patrii Juris, vim suam in subsidium exercere queant; eo majori pondere sententiam DDs. probare videntur; quum Jus Feudale Saxonicum, expresso tenore confirmetur, Jus Electorale autem idem confirmet. Nam Cap. VII. §. fin. *Jur. Sax. F.* ita sancitur: *Ob der Mann-*

ver-

verschmabet das Lehn, das dem Herrn ledig wird, und ihm das nicht zuziehet in Jahr und Tag, von den ist der Herr ledig; der Mann thue denn seine Unschuld, daß er es nicht gewußt hatte, daß es ledig wäre &c. Nullum scilicet discrimen inter culpam & dolum factum est, sed poena caducitatis indistincte definitur. Quod, uti Cap. XXV. repetitur; ita Jus Alemann. F. Cap. XV. convenire prioribus videtur. Quid, quod adversarii Constit. Elect. P. II. 45. Von Versäumniß der Lehn, in genere disponentem, huc trahere, & ejus cum textibus Longobardicis consensum elicere studeant. Illam etenim in unicum casum, si dolose omissa fuerit renovatio, non restringendam esse arbitrantur, sed Legislatorem ad Longob. & patrias respexisse leges, eamque ob rem obscure & generaliter, in dicta Constitutione prolata, secundum consuevas interpretationis regulas, ex veteribus Longob. & Saxon. Institutis, tanquam suppletoriis, explicanda & supplenda esse. Imprimis cum verendum sit, ne omnis hæc Constitutio, si de dolosa tantum Investituræ omissione loqui dicatur, eludatur; quia talis casus, quo vassallus ex contemtu & proæresi pietatem, investituram renovando, domino directo debitam, negligit, vix existere solet. Jura autem de rebus frequenter & plurimum existentibus, non de iis, quæ uno aliquo casu accidunt, constituuntur, perl. 3. 4. 5. π. de Legibus.

§. XVII. Et, si hæc cuncta, ita, prout dicta sunt, se non haberent; adversæ tamen nobis sententiæ defensores, Mandato se muniant Divi JO. GEORGII IV. ELECT. de A. 1691. d. 12. Nov. promulgato, cuj. Rubric. *Wie es mit Suchung der Lehn, und waß selbiger mehr anhangig, allenthalben ins künfftige zu halten.* In hujus Mandati §. *Wer dann also Uns seine Lebens-Pflichte &c. verb. Welcher die gewöhnliche Jahres-Frist, nach jeden sich begebenden Fall, also hinstreichen laßt, und wor de-*

Rat. dubit. ex
Mandar. Joh.
Georg. IV. de
A. 1691.

ren Verlauff zum wenigsten nicht Indult erhalten, ob er schon supplicando eingekommen, soll selbiger Lehn-oder Mit Belehnschafft verlustig seyn. Es wäre dann, daß er genügsame Zeugniß seiner gebrauchten Vigilanz, und daß er, wegen einiger, bey solchem Lehn vorhandenen Bedencklichkeit und Hinderniß nicht dazzu gelangen möchte, darthun könnte &c. ca, quæ Longibard. & Jur. Sax. F. textibus pariter ac Constitutione 45. P. II. constituta sunt, repetuntur, & per statutam in huius mandati transgressores caducitatis poenam, nulla facta doli aut culpæ differentia, confirmantur.

Rationes dubitandi ab Imperii Legibus.

§. XVIII. Accedunt Imperii Leges, in universum & absolute Investituræ renovationem injungentes; adeo, ut ne Feuda quidem Regalia excipiantur; veluti apparèt ex *Ordinatione Regimenti Wormatiensis de A. 1521.* §. Und behalten Uns &c. verb. Nach Verschreibung des ersten Jahres, darinnen einem jeden seine Regalien zu empfangen gebühret. Quem poenæ rigorem, BAVARUS & PALATINUS, tempore vicariatus, per *Edita, de renovanda Imperialium Feudorum Investitura* publicata, approbarunt, in P. I. *Diar. Europ.* p. 668. & p. 748. it. ITTER. de Feud. Imp. Cap. XI. §. 4. Et hoc est, quod Autor *Speculi Svecici, Lib. II. Cap. 144.* intendit, asserens: Wenn das Lehn verjähret gegen den Pfaltz-Grafen von Rhein, so ist das Gut ledig dem Reich worden: Und verjähret jemand das Lehn gegen den Pfaltz-Grafen, so soll er (nemlich der Pfaltz-Graf) sich des Gutthes unterwinden, dem Reich zu Nutz, und soll denn einen König wieder ausantworten, so der wird. Id quod CAROLUS IV. in *A. B. Cap. V. §. 1.* ad omnia Feuda vexillaria extendit, Feudis Principum duntaxat exceptis, & illis, quæ Vanlehn vulgariter appellantur. v. SCHILT. Comment. ad Cap. XLII. Jur. Feud. Alemann, §. 2. p. 239.

§. XIX.

§. XIX. Præter tot tantasque Leges, quæ dissentientium thesi patrocinantur, ipsius analogia juris, & principia civilis justitiæ iisdem subvenire videntur. Deducunt quippe pœnæ hujus feudalis æquitatem, ex negotii feudalis qualitate & natura. Nimirum notum est, in civilibus plerumque causis latam præstari culpam, eamque dolo æquiparari l. 32. *Quod Nerva, π. Deposit.* præcipue autem in pecuniariis negotiis l. 29. π. *mandati vel contra*, & l. 1. §. 1. π. *si is qui testamento liber &c.* Eo etenim reedit lex 226. de Verb. Signif. *Magna negligentia culpa est, magna culpa dolus, & lex 32. π. mandati.* Sic etiam in actionibus, quibus de damnis refarciendis agitur, lata culpa dolo æquiparatur, l. 29. pr. π. *mandati*; æque ac in contractibus, & iis præsertim, qui utriusque contrahentis commodum respiciunt; ubi dolus non modo, sed lata levisque culpa præstatur, per l. 5. §. 2. π. *commod. vel contra.* Quod etiam ad delicta & causas restitutione damni dolum punientes, quamvis non malitia, sed negligentia tantum aut imperitia damnum datum fuerit, extenditur. l. 1. §. 2. π. *Si is, qui in testamento liber &c.* & l. 1. §. 1. π. *Si mensor falsum modum dixerit.* Cavendum quippe, ne ex alterius desidia alter damnum patiatur.

§. XX. Applicantibus vero, quæ hæcenus diximus, ad feudale negotium, omnia hic locum invenire videntur. Certum etenim est, contractus feudales maximam partem ad civilia pertinere negotia, licet quidam DD. eosdem peculiare, & a civilibus plane distinctos esse censeant. v. HORN. Cap. XII de Investit. §. 2. Quandoquidem nullum contractuum genus in Jure Civili reperiri dicant, ad quod commode referri possint. Attamen hoc quidem ratione formæ substantialis, vi cujus dominus vasallo rem in feudum tradit, mutuam pollicendo fidem, conceditur; quum vero pacta feudalia alioqui in genus contractuum veniant, quia verbum,

Rationes dubitandi ab Analogia Juris.

Supra dicta ad Feuda applicantur.

con-

Contractus, sensu latiori, pro qualicunque obligatione efficaci sumitur, vid. *l. 29. p. de Judiciis*; in feudali autem negotio mutua obligatio exoritur, & præterea pro vero contractu *δυνάμει*, seu utriusque obligatorio, haberi debet; quoniam dominus vasallo, & vasallus vice versa domino obstringitur, contractus autem utique ad civilia negotia, seu, quibus quis civiliter obligatur, refertur; necessario hinc sequitur, quo genus referimus, nos etiam speciem referre debere. Et licet hæc concedamus, contractusque de Feudis, a civilium genere separatos utique agnoscamus; extra dubitationis tamen aleam positum est, feudale negotium, quatenus interesse civile & pecuniarium respicit, actionesque ex eo profluente rei persecutoriæ sunt, non omnimode pœnales; civilium contractuum naturam imitari. Nec nostræ sententiæ patrocinari videtur, quod scilicet Felonia sub nomine delicti veniat, in delicto autem culpa, quoad effectum pœnæ a dolo separanda sit. Quamquam enim hæc per se certa sit regula, arg. *l. penult. c. ad L. Jul. de adult.* quum delicta regulariter sine dolo haud committantur; ea tamen ita limitanda est, quod hoc nempe in gravioribus solum delictis, & suppliciis asperioribus procedat, LUDWELL. Tr. de Renov. Invest. cap. IV. p. 497. non vero in Felonia, quæ multa tantum, aut aliâ civili pœna vindicatur.

Rat. dubit. a
similitudine
donationis
inter & feuda
intercedente

§. XXI. Haut leve tandem argumentum ex natura Beneficiorum adversarii struunt. Quid enim aliud sunt Feuda, quam beneficia; quippe quæ ex gratia & benevolentia dominorum proficisci dicuntur *II. Feud. 23.* & donationibus comparantur? *ibid.* Unde hoc modo rationem subducunt: Quemadmodum propter donatarii ingratitude donans juxta revocat donationem; *l. 1. §. fin. C. de revoc. donat.* ita etiam beneficiarius, omittendo investituram erga directum dominum ingratus, beneficium instar doni amittit. Cui opi-

opinionī majus robur addunt, eo, quod in omnibus feudo-
rum textibus comparatio inter donatarium & beneficiarium
instituitur, & Feloniæ sæpe crimen ingratitude nomine
exprimitur *v. II. Feud. 23. §. De illa tamen &c. & II. Feud. 24. §. 1.*
Est & alia ingratitude &c. & §. Prædictis modis, verb. Dona-
tionis jure recte revocantur. Uti vero plures ingratitude
causæ enarrantur, ita hæc renovationis ommissio in iis ex-
presse comprehenditur. *II. Feud. 24. pr.* Quæ investituræ
omissio, quum ad Feudi jacturam ipsa lege sufficiens pro-
nunciatur, & nullo observato discrimine, utrum culpa an
dolo admissa fuerit, eadem pœna digna censeatur; eo diffi-
cilius tot sancita a privato impugnari posse dicunt, cerebrina
ducto æquitate, utpote quem potius secundum leges judi-
care, quam in eas inquirere decet. Et quamvis nemo in-
ficiari queat, feuda hodie plerumque non titulo mere lucra-
tivo, seu, ex sola domini gratia acquiri, sed oneroso, & pre-
tio interveniente, proptereaque beneficia esse desinere, quia
donatio ex mera liberalitate provenit, *l. 1. & fin. C. de re-*
voc. donat. ideoque hodierna feuda magis pro rebus pretio
emptis quam beneficiis reputari, atque adeo leges tam du-
ras huc applicari vix posse; hæc omnia tamen non ob stare,
quominus & hoc casu feudum gratuitum beneficium, & ex
domini directi benevolentia profectum maneat, DD. tradunt,
hisque rationibus probare annuntur, 1) respiciendum esse
dicunt, ad primam feudorum qualitatē, cum olim omnia
feuda, ea etiam, quæ nunc pretio comparantur, gratuita &
a mera dominorum gratia profecta fuerint. 2) pretium pro
clientela datum, ad mutandam feudi & vinculi vassallitici na-
turam haud sufficere, HORN. Cap. II. §. 12. de Natura Feudi
3) quamvis pretio comparatum sit feudum, respectu domini
tamen illud beneficii naturam nequaquam exuere; propte-
rea quod hic emptorem vassallum admittendo, & de re, quæ

ad ipsum noviter rediit, investiendū, fāis benevolentia exerceat, dum scilicet me potius, quam alium vassallum dominus eligere voluerit, arg. *l. Feud. c. 16. 20. 4* Et quidquid sit, vassallum de quo conqueratur, haud habere asserunt; quia feudalis negotii naturam, antequam se ipsi implicuerit, bene cognitam vassallus habere debuit, HORN. Cap. XVII. de Renov. Investit. §. 18. eaque propter, quod tale bonum ambiorit, sibi met ipsi ut imputet necesse est. Ut pote cum injuria volenti non fiat, & omne damnum, quod sua quis culpa sentit, jure sensisse videatur, *l. 203. de Reg. Jur.* culpaque cuique sua, non alteri nocere debeat. *l. 26. §. fin. n. de Noxal. Action.*

Rat. dub. ab
autoritate
DD.

§. XXII. Quae omnia magnam omnino auctoritatem ex plurimorum consensu Doctorum nanciscuntur. Quos inter haud vulgari splendore emineht, JULIUS CLARUS de Feudis, Qv. 49. n. 1. 2. CURTIUS JUN. de Feudis, P. IV. Cauf. 23. SCHUREFFIUS in Consil. 16. in fin. & Consil. 99. ALEX. SOCINUS, CARPZOVIVS, LUDWELL. VULTEJUS, STRUVIVS, HORNIUS, alique plures.

Transito ad
Rat. Decidendi.

§. XXIII. Hae argumenta DD. praecipua sunt, quibus suam stabilire sententiam, eandem iactura feudi poenam tam in negligentes, quam dolosos renovationis investiturae omissores statuentem, defendere contendunt. Fateor lubenter, nullius ea non esse momenti. Quid enim argumentis ex juris analogia, ipsius rei controversiae natura, & legum elegantissimarum juris tam Longobardici, quam Saxonici, nec non Germanici medulla sumtis praestat? Neque tamen tot & tanta momenta, qui meae sententiae partes, negligentiam a dolo, ratione multae gradus, in renovationis omissione discernentis, deferam, me permovent. Cujus defensionem suscepiurus, antequam ad rationes exponendas me accingam, principia quaedam, cum ab aequitate, tum iustitia civili sum-

Rationibus
Decidendi
generalia Axiomata seu

ta, præmittam; quæ & decidendi rationibus, & sufficienti objectionum discussioni non parum inservient.

§. XXIV. Notemus igitur 1) causas liberandi aliquem a pœna lege constituta, vel intrinsecas esse, vel extrinsecas. Intrinseca est, quando, si non injusta, dura tamen pœna ad factum comparata, deprehenditur. Extrinseca ex merito aliquo, aut alia re commendante, aut spe magna futura emendationis descendit, vid. GROT. de Jure B. & P. lib. II. c. 20.

§. 25. Quod priorem, seu intrinsecam causam attinet, locum ea præcipue invenit in delictis, quæ per ignorantiam, culpam, aut animi infirmitatem vincibilem etiam, committuntur. Ea etenim pœnis, quæ in dolosa & præcogitata crimina iuste constitutæ sunt, subicere, durum esse videtur.

v. PUFENDORFF. Jus Nat. & Gent. lib. VIII. c. 3. §. 14. p. 1171. Ad hæc rector, seu iudex respicere debet, utpote qui loco DEI est. DEUS autem idem facit Deut. XXII, 26. Ps.

CHII, 8. idemque nos facere jubet Luc. VI, 36. 37. coll. Matth. VII, 1. 2. Eo sane spectat Ciceronis aureum illud effatum:

Est pœna modus, sicut rerum reliquarum, & quadam mediocritas, Epist. XV. ad Brut. Quod industriè a superiori

iudice observandum. Nemo etenim puniendus est ultra meritum, GROT. de Jure B. & P. L. II. Cap. 20. Idque Augustum Cæsarem fecisse, suasque leges sæpe egressum fuisse laudat TACITUS Lib. III. Annal. Inde PROCOPIUS Goth.

III. Qui aliis molesti sunt, sive quod occupaverit eos ignorantia, sive quod oblitio super venerit, his etiam ob id, qui mala

sunt passi, venia est danda. Quod uti divinis præceptis iuxta atque æquitati conveniens est; ita civilibus etiam injungitur legibus. Quid enim aliud Hermogenianus l. 42. de Pœnis: Interpretatione leges molliendas parum quam asperandas esse, intendit, quum ut pœnarum, sicut aliarum rerum mediocritas sit, Cic. d. l.

Cum quo Paulus J. Cos con-

sensit

C 2

sentit

Principia præmittuntur ex Jure etque probantur.

Principium I. sumtum a Causis liberandi aliquem a pœna. Hæ sunt vel Intrinseca vel extrinseca.

In quibus de delictis intrinseca causa obineat.

1171
1172
1173
1174
1175
1176
1177
1178
1179
1180

l. 55. de Reg. Jur. In pœnalibus causis benignius interpretandum est: nec non Marcianus l. ii. n. de pœnis: Plane in levioribus causis promiores ad lenitatem iudices esse debent, in gravioribus pœnis severitatem legum cum aliquo temperamento benignitatis subsequi; & e. l. Perspiciendum est iudicanti, ne quid durius constitutur, quam quod causa deposcit. Huic autem ut satisfiat regulæ, causa mitigandæ pœnæ extrinseca consideranda venit, meritum scilicet in personæ, quæ punienda est, obveniens; utrum nempe illa facinus aliquod sponte commiserit, & deliberato, h. e. præeunte consultatione, aut non deliberato animo. Hac mente ARISTOTELES in moral. L. V. c. 10. damnum datum in tres distinguit classes; dolum scilicet, culpam & casum; sequenti modo: Quando ita, præter id, quod expectari potuit, damnum datur, erit infortunium, (hoc DD. ut plurimum casum appellant) at si ita, ut prævideri aliquo modo potuerit & expectari, sed non improbo animo, culpa erit aliqua, at quoties quis id, quod faciet, sciens facit, injuriam (h. e. dolum) facit. In his iuste puniendis SENECA Natural. XI. Cap. 44. ubi de fulminibus loquitur, hanc normam præscribit: Voluerunt admonere eos, quibus adversus hominum peccata fulminandum est, non eodem modo varia esse percutienda. Quædam frangi debere, hoc ipso dolum puniendum putat) quædam distringi, (hoc culpam) quædam admoneri, (hoc casum intelligit.)

Quid in extrinseca causa considerandum veniat?

Princip. II.
In puniendis delictis culpa a dolo sedulo distinguatur, necesse est.

§. XXV. Inde alterum pro defendenda nostra sententia principum fuit; judici nimirum id incumbere officii, ut in delictorum animadversione culpam a dolo sedulo distinguat. Suadent hoc, secundum jam dicta, præter æquitatem & naturæ rationem, ipsæ leges. Utique enim proæresis, seu dolus discernendus est a negligentia etiam si magna, nec culpa lata dolo æquiparanda in delictis: neque enim doli quædam præ-

præ-

præsumtio, seu proxime dolum accedens culpa eadem, qua ipse dolum, poena coerceri debet. *l. 7. ad Leg. Cornel. C. de fideiussariis.*

§. XXVI. Quod adeo verum est, ut etiam in quibusdam civilium causarum, in quibus de restitutione damni agitur, locum obtrineat, *l. 23. §. 2. ad Edictum Edicti*, ubi in dolum, non errorem aut casum, hujus Edicti poenâ animadvertitur; & in restituendo damno, quod venditor emptori præstat, id, quod scienter factum, ab ignorantia distinguitur. *l. 13. π. de Action. emt. vend. & l. 58. ibid.* Hocque idem in actionibus civilibus poenalibus, ex eodem fundamento dicendum esse, STRUVIUS docet in Syntagm. Jur. Civ. Exercitat. XIX. §. 22. nisi speciatim exemptæ sint, aut ex singulari causa, tam ob dolum, quam latam culpam, eadem statuatur poena. *l. 1. §. 2. π. si is, qui testamento liber &c.* Si quidem in poenalibus judiciis atati & imprudentiæ succurratur, Paulus *l. 108. π. de R. J.* Sub imprudentia vero culpam, quippe quæ effectus prioris est, intelligimus, & delicta regulariter sine dolo non committuntur. *l. penult. ad L. Jul. de adulteriis.*

Princip. III.
Culpa a dolo
distinguenda
in causis civilibus, etiam
in quibus de
restitutione
damni agitur

exceptis his
quæ speciatim
exemptæ sunt
legum auctoritate.

§. XXVII. Solicite autem culpa in pecuniariis etiam in causis a dolo & proæressi discernenda est, præcipue si lex expresse mentionem doli faciat, per *l. 1. pr. π. Ne vis fiat ei qui in possessione missus &c.* Exemplum actio de dolo præbet, qua damnum culpa lata datum nequaquam reparari potest, arg. *l. 15. π. de dolo, v. ECKHOLT* ad h. t. pag. 194. Sic minores, si dolum eorum argui queat, beneficio restitutionis in integrum excidunt; tutò tamen ad fructum ejus beneficii, si solummodo culpa lata eorumdem intervenerit, aspirant. *l. 37. π. de Minoribus 25. ann.* Fœmina pariter Scito Vellejano, dolum ejusdem si demonstretur, prorsus non adjuvatur; non vero expers est hujus beneficii, culpam latam si admiserit, *l. 2. §. 3. π. ad Scitum Vellej. & l. 5. C. b. r.*

Princip. IV.
Etiam in causis
sepe pecuniariis culpa
a dolo discernenda, præcipue si lex
in constituenda poena,
doli expresse mentionem faciat.

Princip. V.

In legibus
diolis & po-
nalibus re-
strictiva po-
rius, quam
exoniva in-
terpretatio
adhibenda.

§. XXIX. Neque hoc prætermittendum, quod in odiosis
legibus interpretatio stricta adhibenda sit, per *l. 19. π. de Lib.
& posthum. v DD. & HORN. de Interpretatione LL. Cap. 3.*
Eam proinde lex 32: *Si Praeses &c. π de Pœnis, in pœnis interpre-*
tationem faciendam jubet, ut minor pœna imposita videatur, Ra-
tio hujus legis collocata est in lege 22. *C. de Pœnis, pœnam ibi*
tantum esse, sanciente, ubi non ita est. Consentit *l. 42. π. de*
Pœnis. Pœna non major esse debet delicto, & magis mollienda
est, quam exasperanda. Quamvis igitur hoc negari non pos-
sit, judicem secundum legem judicare, non illam sub censu-
ram vocare debere; distinguimus tamen hic inter legem cer-
tam in se proponentem sententiam, adeoque interpretatio-
nem doctrinalem respuentem, quam restringere, aut exten-
dere prohibitum est, *l. 23. π. de Legibus*, & inter legem pœna-
lem, ab alia lege dissentientem, nec adeo claram & per-
spiciuam; præcipue, si ex substrata materia plus aliquem locu-
tum esse, quam sensisse appareat. Substratam quippe mate-
riam loquentis semper animo obversari probabile est, verba
licet latius patere videantur. Hoc sane est, quod CELSUS
monet *l. 17. π. de Legibus: Scire leges, non hoc est, verba scire*
eorum, sed vim ac potestatem. (conf. supra h. Diss. §. I.) Sape
enim, ut verba rigore animum legislatoris superent, contingit.
In tanta incertitudine, tam ratio constitutionis, quæ Le-
gislatores permovet, quam negotii natura, occasione cujus
lata est, penitus inspicenda venit. Quia verba secundum ma-
teriam subjectam intelliguntur, *l. 67. π. de Reg. Jur.* & loquen-
tem, vel scribentem sese naturæ actus sive negotii, de quo agi-
tur, conformasse, atque de illo secundum naturam ejus loqui
& sentire voluisse, verosimile est. HORN. Prælect. de Inter-
pretat. Cap. II. §. 12.

Princip. VI.
Si leges am-
bigue senti-

§. XXIX. Præsertim vero leges in benigniorem partem
explicandæ sunt, si diversæ de una eademque re diversimode
dispo-

disponentes reperiantur. Tunc certe illius, ejus mitior est sententia, eligitur, arg. l. 42. n. de Pœnis. Id ipsum l. 26. & 28. n. de Legib. præcipit: *Non est novum, ut priores leges ad posteriores trahantur, & posteriores etiam ad priores, h. e. corrigantur, determinentur & suppleantur, per Gl. DD. ad hanc l.* Notanda hic venit l. 28. n. de LL. adjecta limitatio: *Nisi contraria sint, & quaeritur; quid tunc legum interpreti incumbat?* Respondemus autem; vel eam sententiam, quæ interpretationem certam usu & consuetudine habuit, amplectendam esse per l. 23. n. de LL. vel illam in dubio legem, cui ratio constitutionis adnexa est, præcipue si mitior sit ac benignior, prævalere, arg. l. 32. n. de Pœn. & l. 17. & 24. de LL. add. gloss. DD. ad h. l. Idem statuendum, si altera dubiarum legum cum facto judicando magis conveniat, aut si ratio constitutionis alia sit confirmata, aut si ipse legislator eam in Rescripto vel Epistola approbaverit, quas semper aliis præferendas esse leges, declarat l. 12. C. de Leg. & Constit. Princip. his verb. *Quodcumque Imperator per Epistolam & Subscriptionem statuit, & cognoscens decrevis, legem esse constat.*

§. XXX. Quare sciamus necesse est, Rescripta atque Decreta Principis, aut nomine Principis data, quibus, præcunte causæ cognitione, partibus sententia dicta est, non in hac solummodo causa, occasione cujus pronunciata sunt, sed in omnibus etiam similibus vim legum atque potestatem obtinere, per l. 12. C. de LL. & Constitut. Princip. *Quidem majus, quid sanctius est Majestate, vel quis tanta superbie fastidio tumidus est, ut Regalem sensum contemnat; cum & veteris juris conditores, Constitutiones, quæ ex Imperiali decreto prolesserunt, legis vim obtinere, aperte dilucideque definiant;* JUSTINIANUS, d. l. exclamat. Si ergo hæc, quæ olim lege constituta erant, per Rescripta ejusmodi removeantur, & contrarium statuatur, juxta canonem illum vulgarem: *Lex posterior præjudicat.*

unt, aut diverse, de una eademque re diverse faciunt, mitior est eligenda sententia.

Princip. VII. Rescripta & Decreta Principis, quibus præcunte causæ cognitione partibus sententia dicta est, non in hac solum causa, sed in similibus, vim legum habent.

Princ. VIII. Consuetudo ac usus fuit l. 32. n. de LL. Usunque fori per l. 38. n. de LL. verb: *Aut re- vim legis ha- rum perpetuo similiter iudicatarum auctoritatem, vim legis ha- bere &c. nemo inficiabitur.*

Princip. IX. Donatio, quæ ob ingratitudinem revo- catur, gratuita esse debet, non remuneratoria.

§. XXXI. Tandem, quum Feuda donationi comparen- tur, eaque ex iisdem rationibus, ob quas donatio revocatur, amitti legibus constitutum sit: e re nostra erit, quedam de do- natione, quando & quatenus ea ob ingratitudinem revocetur, præmittere. Notandum ergo 1) Donationem, quæ ob in- gratitudinem revocatur, gratuitam esse debere, & ex mera li- beralitate proficiscentem. 2) Ad donationis revocationem, atrocem requiri injuriam, & talem, qualem l. fin. C. de Re- voc. Donat. expressam legimus. Prius per l. 29. n. de Donat. probatur. *Nam finis donationis est liberalitas & munificentia; utpote cum idcirco donator alteri aliquid donet, ut liberalitatem suam erga eum cum laude exerceat, l. 1. pr. n. de Donat. & l. 214. de Verb. Signif.* Remuneratoria igitur, quæ propter merita tam præcedentia, quam futura exercetur, nomine donationis gratuita haud venit. Lex enim revocationem permittens, tanquam odiosa, respectu scilicet donatarii, quæ fieri potest, restringi debet, arg. l. 19. n. de Lib. & Posthum. eo magis, quo certius est, remuneratariam non tam ex liberalitate, quam gratitudine oriri. Præsupponitur etenim, donatarium aut meruisse, aut meritum esse donationem: id quod donatio- ni mere gratuita contrarium est. *Donare quippe est, quod nullo jure cogente conceditur, per l. 29. n. de Donat.* Propterea do- nationes in concubinas collatas haud revocari posse PAPINI- ANUS l. 31. n. de Donat. iudicat. Quare libertum eam, quam patrono dedit pecuniam, non revocare posse constat per d. l. vid. SCHNEIDEW. Institut. ad Tit. de Donat. §. II. Posterius nostræ thesæos membrum, eo, quod donatio non nisi ob atro- cem

Princip. X. Donatio non nisi ob atro-

cem injuriam revocari queat, tendit. Idque per *l. fin. C. de Revoc. Donat.* comprobatur. Hæc namque constitutio quinque tantum ingratitudinis species, easque atroces & dolo conjunctas exprimens, adeo restringenda, ut ne majores quidem aut similes ingratitudinis causæ admittantur, neque a paritate rationis argumentum desumere liceat: nec ullibi, propter solam negligentiam donationem revocari, perhibetur, vid. CARPZ. P. II. Constit. XII. Defin. 31. & COCOEJ. Jus Controv. ad tit. de Donat. Qu. 10.

cem injuri-
am revoca-
tur.

Rationes de-
cidendi, que
petuntur
I.
a Textibus
Longobard.

I.

2.

3.

§. XXXII. His itaque præmissis, applicando ea ad thema propositum, secundis jam velis ad nostræ sententiæ argumenta progredimur. 1) Primo autem pro ea militat *text. II. Feud. c. 3.* quo legislator expresse sancit, vasallum, si *non dolo* se per annum & diem steterit, quod a domino beneficii sui investituram non petierit, feudum propterea non amissurum esse. Exprimendo itaque dolum, tanquam solam & unicam causam, ob quam in Renovationis omissores jacturæ pœna cadit, culpam haud dubie & negligentiam excipit. Quæ Imperatoris voluntas eo certior ex decidendi ratione, quam præmissis, clucet. Nimirum: *quia inter dominum & vasallum nullum malum intervenire debet ingenium.* Quo verborum tenore intendit: tam arctum atque amicum fidei vinculum feudalis contractus autores colligare, ut, quemadmodum vasallus, quæ fieri potest pietate, amicitia atque fide domino suo deditus esse, & id, quod ejus salutem attinet, curare jubetur: ita vice versa dominus vasallum amet, ei confidat, nec quidquam mali de ipso suspicetur, multo minus, ob quamcunque rationem clientem, sine contemptus aut doli interventione, officium deserentem, feudo privare studeat. 2) Hoc autem, quod Imperator in *d. l.* tam severe injungit, non solum *II. Feud. c. 92.* explicite distinguendo dolum ab errore, verb. *non dolo*, reperitur; sed etiam 3) *II. Feud. 23. c. 1.* implicite in idem consentitur.

D

In

In quo OBERTUS ab Orto, de causis, ob quas Feudum amittitur, differens, atq; Feloniam ingratitudinis nomine insigniens, docet: *ad beneficii amissionem non omnem occasionem, per quam fidelis ingratus videtur, sufficere, sed egregias quasdam ingratitudinis causas dari, quibus demum existentibus feudum caducum reddatur.* 4) Quod iterum II. Feud. 24. sequenti modo repetit: *Illud enim est certum, quod non ex omni causa, ex qua opinio vassalli gravatur, beneficium amittitur.* Proinde iudicem, ut solers & discretus & equitati obsecundare sollicitus, cuncta subtiliter dispensans, provideat, ut sciat, utrum beneficium amittendum, an nihilominus retinendum sit, admonet d. l. Respicit quippe OBERTUS, uti ex toto capite apparet, ad pietatem, qua donatarius donanti obstrictus est, & ad causas ingratitudinis, ob quas donanti donum a donatario revocare legibus civilibus permittitur, l. 10. C. de Revoc. Donat. pariter ac ad illas, ob quas Pater filium exheredare potest, per II. Feud. 24. §. 2. verb. *Prædictis &c.* Quemadmodum vero illas causas atrocissimas & dolo conjunctas fuisse, ex Princip. X. §. h. Diff. XXXI. constat, v. Nov. CXV. ita easdem civiles leges ad amittendi feudi causas applicare contendens, non ob quamlibet occasionem fidelem feudo privari posse affirmat. 5) Quam caute autem OBERTUS in amissionis poena procedat, & quam provide ad dolum respiciat, cumque a culpa discernat, testis est II. Feud. 26. §. *Si vassallus feudum &c.* ubi *vassallo ex ignorantia feudum alienanti, ipsi, (vassallo scil.) non domino restituendum esse monet.* Notum vulgo est, neminem vassallum, nisi poenam amissionis incurrere velit, nesciente domino feudum alienare posse I. Feud. 13. & II. Feud. 24. *in fin.* Quia tamen, juxta dictam legem, sola alienatio dolosa subintelligitur, venditionem ex ignorantia factam, licet hic per ejusmodi ignorantiam aliqua intervenire culpa videatur, quum ignoraverit vassallus id, quod scire debebat, nihilo secius

remit-

remittere, & alienatorem a Felonia liberum pronunciat, II. Feud. 42. 6) Quid, quod II. Feud. 26. consueque vasallo indulgeat, ut ipsum, feudum alienari scientem, nec id ipsum domino aperientem, (magna autem culpa est, scire damnum inferri domino & non indicare II. Feud. 24. §. 2. verb. Præterea &c.) propter solum doli defectum, feudum retinere jubeat. add. MINCUCC. de Feud. Lib. IV. Cap. 35. & SCHILT. not. f.

§. XXXIII. Ex quo satis manifeste fluit, quam sollicitè feudorum compilatores, non immemores prudentiæ legislatoris, cujus supra §. XXIV. in I. Princip. mentionem injecimus, dolum a culpa; circa feudi jacturam, distinctum esse cupiant; simulque ostenditur, quam cauta reliquorum æxtuum, culpam dolo æquiparare apparentium, interpretatio instituenda sit, ne in regulas genuinæ constitutionum explicationis impingamus; reperantur ea, quæ supra diximus §. I. XXVIII. & XXIX. Quamvis ergo leges supra dubitandi rationibus §. XV. insertæ, contrarium ediametro, feudique amissionem in culpa, præcipere videantur; satis tamen evidenter in §§. modo allegatis, legum pœnaliū interpretationis normam & modum præscribentibus, demonstratum est, in diversis legibus diversimode circa pœnam disponentibus, mitiorem eligendam esse sententiam, præsertim si benigniori constitutione ratio movens legislatoris adjecta inveniat, qualis est textus II. Feud. 32. cap. 3.

§. XXXIV. Cum etiam legum antinomiarum quovis modo evitandæ sint, quo nomine in textibus obstantibus culpa veniat, solide ut inquiramus necesse erit. In aprico est, culpæ vocem, non omni loco imprudentiam aut incuriam significare, quæ circa res alienas aliquid sit, quod fieri non debuit, vel non sit, quod fieri debuit: (sic etenim culpa a DD. definitur arg. l. 31. n. ad leg. Aquil.) sed per eam versutiam sæpe intelligi, quæ vulgo versutia culpa audit, parum a dolo disse-

6.

Textus Longob. culpam a dolo sedulo distinguunt; ex quibus reliqui textus explicari debent.

II. Rat. Decid. Quia culpa sensu latiori delictum comprehendit, & in hoc significatu ab autoribus partim, partim a Legislatore sumitur.

rens & eidem comparata, v. *Recess. Imper. de 1594. §. 69. Dierweil &c. & COCCEJ. Jus Controv. P. I. p. 690.* Hæc inquam culpa, cum vere dolus sit, pœnam doli recte subit, LUDWELL. Comment. ad Reg. Jur. 23. p. 85. Quo sensu culpam accipere non solum Jcti quandoque consueverunt, sed eadem significatio optimis styli Romani autoribus placuit. Sic enim HORATIUS. canit Lib. IV. od. 5.

Culpam pœna premis comes.

vid. Commentar. JOH. MIN. ELLII ad h. l. & CICERO in Orat. pro Sext. Roscio Amerino, Cap. XVI. verb. *Summam laudem Roscii visio & culpa dedisse &c.* Quibus in locis, quantum ex contextu liquet, culpa pro scelere & vero delicto sumitur. Quid igitur impedit, quominus culpam hoc sensu in Feud. textibus nobis contrariis intelligi arbitremur. Quod, ut ex rubro 1. Feud. 21. de Feudo sine culpa non amittendo, elucet, ubi sub culpa, veluti ex nigro, seu ipso textu de Delictis mere dolosis agente, apparet, atrox delictum intelligitur, collat. 1. Feud. 19. pr. verb. *culpæ &c.* ita idem ex delictorum in Feudis. malitiam requirentium natura, juxta text. II. Feud. 52. in fin. verb. *non dolosi, & II. Feud. 92. per culpam nimirum & negligentiam, dolum solummodo, saltem versutiam* exprimi, non insulse concludimus. Utpote qua interpretatione LL. principiis convenienti, quum substratam materiam animo loquentis semper observari, verba licet latius pateant, credibile sit, antinomiarum evitanti, neque in regulam: *Pœnatum, in dubio mitiorem eligendam esse opinionem*, peccatur, per Princip. V. §. XXVIII. & Princip. VI. §. XXIX. supra h. Diff.

III. Rat. Dec.
quia causa liberandi a pœna tam extrinseca quam intrinseca in hac materia loc. inveniat.

§. XXXV. Et quamvis modo enarrata interpretandi ratio, ex Romani sermonis idiomate desumpta, talo non satis firmo stare existimari possit; nostram tamen sententiam causa liberandi a pœna ex GROTIO allatæ, v. Princip. I. §. XXIV.

h.

h. Diff. suadent. Nam intrinseca pariter ac extrinseca causa ad mitigationem multæ in vasallos investituram omittentes constitutæ, locum invenit. Intrinseca scilicet erat, *si non injusta, dura tamen respectu delicti pœna pronunciata sit.* Quid durius esse potest delicto dolose & ex proæresi patrato, factum æquiparare ex negligentia, vel ignorantia, vincibilicet, commissum, & eandem utrique pœnam constituere, præcipue, quum propter Legum diversitatem mitius partim, partim rigide punientium, eadem pœna incerta sit. Nonne hic *lex 155. de Reg. Jur. in pœnalibus benigne interpretandum esse, obtinet?* Nonne *gravitatem legum dubiarum benignitatis temperamento leniendam esse* constat? l. II. c. de Pœnis. Alteram mitigandæ pœnæ, seu extrinsecam contemplantes, *meritum scilicet in persona, quæ punienda est, eandem in nostri delicti specie deprehendimus.* Non enim vasallus sponte & deliberato animo, aut præeunte aliqua mentis consultatione, sed ex negligentia nulla interveniente malitia, aut dominum lædendi proposito, id, quod officii est, omittit. Qua itaque ratione pœna doloso convenienti delicto multari poterit? præsertim cum hæc vasalli culpa in mera omissione consistat. Notum est vero, levem a DD. culpam omissione patrata, levissimæ in committendo se exerenti, æquiparari, æque ac lata culpa omissionis levi culpæ commissionis æqualis censetur, GABRIEL MUDÆUS §. 6. ad l. Socius socio &c. & ROLAND; a VALLE, Vol. II. Consil. 64. it. gloss. DD. in leg. 9. c. Solut. matrim. Quod non considerantes leg. 108. c. de Reg. Jur. ut in pœnalibus imprudentiæ voluntatem & propositum non habenti, iudex succurrat, momenti officimus, Conf. l. 53. c. de Furtis. Leges enim ita interpretandæ sunt, ne effectus iniquus vel absurdus proveniat, H. GROTIUS de J. B. & P. Lib. II. Cap. XVI. §. 26. THOMASIIUS in Jurispr. Div. Lib. II. Cap. XII. §. 13. & HORN. de Interpret. LL. Cap. IV. §. 11.

IV. Ror. Dub.
a natura Do-
nationum, de-
sumitur, quæ
ob atrocem
tantum inju-
riam. revo-
cantur.

§. XXXVI. His accedit, feuda donationibus æquiparari
II. Feud. 23. & II. Feud. 24. §. 2. verb. prædictis: in puncto præ-
cipue, quod revocationem feudi attinet, v. Princip. IX. & X.
Diff. §. XXXI. Quemadmodum autem non ob qualemcun-
que causam donum a donante revocari posse, jure constitu-
tum est, sed atrox & dolo conjuncta injuria requiritur,
l. 1. & fin. C. de Revoc. Donat. ita per conclusionem legi-
bus consentaneam, causam, ob quam clienti, tanquam
donatario, beneficium præripiatur, gravem & magnam esse
oportet, imo tantam, ut propter eam filius exheredari que-
at, II. Feud. 24. Intuentes vero singulas, tam exheredatio-
nis, quam revocandæ donationis causas, nullam, quæ non cum
dolo & malitia mixta sit, invenimus, l. fin. C. de Revoc. Do-
nat. & Nov. 115. Si ergo justa ac legibus conveniens a do-
natione & exheredatione ad causas amittendi feudum con-
clusio instituitur, (institui autem debet per II. Feud. 24.)
atrocem tantummodo & cum animi pravitate connexam in-
juriam desiderari, ultro sequitur. Eo magis, cum de utili
auferendo dominio, quod sine magna causa nemo dominus
subdito auferre solet, agatur, arg. l. 3. C. de Quadr. Præscript.
WESENBEC. P. VI. Consil. 291. Nunquam ergo simplex pe-
tendæ investituræ omissio, nisi juris analogiam offendere ve-
limus, inter causas jactura feudi dignas, referri poterit. Ne-
que hoc Longobardorum decreta intendunt, quod ex texti-
bus supra in §. XXXII. allegatis, dolum explicite & procrefin
in delicto seu privatione coercendo requirentibus, colligi-
tur. Ex quibus reliqui textus, contra internam mentem du-
rioribus compositi verbis, explicandi veniunt, v. Princip. V.
§. XXIIX. & WESENBEC. P. VI. Consil. 261. Quid enim
conditio restrictiva II. Feud. 52. adjecta: Si vassallus non do-
lose steterit, juvaret? Sicut enim natura nihil frustra ponit
aut operatur, ita nec lex; propterea nec verba ejus frustra
appo-

apposita videri debent, v. WESENBEC. l. c. Proinde SOCI-
NUS JUN. l. i. Confil. 115. & DD. *per text. l. Feud. 22. c. 1.*
S. 3. neminem privari feudo tradunt, NB. *Er hat es denn
aus Verachtung des Lebens-Herrn gefahrlicher Weise unterlassen.*

Quod cum de vasallo nunquam præsumatur, *arg. II. Feud. 52. c. fin.* inde domino committere feudum volenti, proba-
tio doli atque contemptus necessario incumbit, v. WESE-
BEC. d. l. FICHARD. T. I. Confil. 18. *Et l. 6. C. de Dolo ma-
lo, nec non l. 18. S. 1. π. de Probat. Et Præsumt.* Poscunt hoc
jura & judicia, *que magis ad absolvendum, quam condemnan-
dum, licet suspensiones adsint, propendent, arg. l. 47. π. de
oblig. Et action. it. l. 5. π. de pœnis, reorumque jura magis fa-
vorabilia, quam actorum promittant.* Ex quibus satis per-
spicue patet, qui favor sit vasallorum, II. Feud. 34. §. 3. &
quantum *text. II. Feud. 52.* cum reliquis, in mitiorem par-
tem abeuntibus, juris analogiæ conveniat, quamque provi-
de durioribus sit præferendus, v. MENOCH. Confil. CIV.
n. 32. & Princip. VI. h. Diss. §. XXIX.

§. XXXVII. Ut vero donationis revocatio, ob atrocem
tantum, nec qualemcumque injuriam permittitur, ita hoc
ad remuneratorem, ob merita tam præterita, quam futura
factam, non extendi posse, supra in Princip. IX. §. XXXI. satis
prolixè ostendimus; utpote quæ ob nullam plane causam re-
vocatur, l. 27. π. de Donat. l. 26. π. de Condict. indeb. Adaptan-
tibus hæc ad Feuda, satis perspicuum est, clientibus eadem a
domino, aut propter præteriti temporis merita, aut propter
futura; ut fide scilicet domino conjunctus sit, servitia præstet,
sæpe etiam Laudemium solvat, concessa, ad remuneratorias po-
tius, quam mere gratuitas referenda esse. Quare eo cautius in
condemnandi vasallum causis procedamus, necesse est. Con-
cludamus enim a majori ad minus: Si in donatione gratuita
non nisi ob atrocem injuriam, donatio a donatario aufertur;
multo

In Remune-
ratoriis au-
tem revoca-
tio donatio-
nis non obti-
net, quibus
feuda com-
parantur.

multo majori circumspectione cum beneficiario, feudum instar donationis remuneratoriæ propter servitia præstanda accipiente, in delictorum materia agendum est. Ex quo evincimus, solas in feudorum institutis expressas causas, & tales, quæ dolo committuntur, ad privationem desiderari, legesque, cum in genere a donatione ad feuda argumententur, ne mentem sensumque earum offendamus, quæ fieri potest, in benigniorem partem interpretandas esse. v. Princip. V. §. XXVIII.

V. Rat. Dec.
a discrimine,
quod inter
Longob. feuda,
& nostri
ævi beneficia
intercedit.
1 Longobardica
nimirum
Tirulo
lucrativo
acquirebantur,
nostra vero
operato.

§ XXXVIII. Magis prætere æquitatem sententiæ nostræ feudorum præsentis ævi qualitas, à Longobardorum beneficiis nimirum quantum diversa, suadet. Constat quippe, Feuda a dominis olim directis gratuito & nullo interveniente pretio vassallis concessa, magnis hodie sumtibus & titulo plerumque oneroso comparari. Quare illa Longobardorum sancita, suo tempore iuste lata, aut plane non, aut curata saltem deliberatione, ad nostras applicandæ veniunt clientelas. Principio nempe Feudorum, jure investituræ renovationem leges tam solícite urgebant, cum æquum esset, ut vassallus beneficio donatus gratuito, quacunque occasione per investituræ renovationem, se feudum domini potius, & primi acquireret. beneficio, quam successione, aut meritis quibusdam obtinuisse, confiteretur. Opus proinde erat ejusmodi sancitis, quibus malitiæ hominum, ne videlicet vassallus, temporis tractu dominium dolose præscribendo, feudali se vinculo extricaret, cancelli ponerentur. At vero, mutatam rerum jam esse conditionem, quem fugit? Feuda titulo non lucrativo acquiruntur: & quamvis sub nomine beneficiorum adhucdum veniant, re tamen vera, non aliter, (salvo nexu feudali, ac res aliæ emtionis contractu acquisitæ, considerari queunt. In quacunque enim rei alienatione, si pretium rei, seu fundi valori conveniens, intervenit, emti venditi, non donationis contractum celebrari, leges affirmant. v. gloss. DD. ad l. fin. C. de Revoc.

Donat.

Donat. Et quamvis a contrahentibus, feudum, vel beneficium dicatur, hoc tamen nihil ad rem facit; cum id, quod in veritate consistit, attendatur, nec per appellationem partium, ipsius contractus veritas immutetur: ipsum quippe beneficium, tituli onerosi naturam in alienam formam haud convertit. *MATHI. de AFFLICTIS, Decif. Neapol. LXXII. §. 9. 10. p. 106. & GUID. PAPA Qv. 155.* Fingamus enim, aliquem ædes suas vendere constituisse; accurrere emtores magnò impetu ac insigni frequentia; ipsas ædes vendendas ita esse comparatas, ut in emtorem earundem insigne lucrum redundare possit; quis quæso in dubium vocare auit, venditorem haud vulgari cum excipere beneficio, cui præ ceteris favet, ac ædium suarum dominium, interveniente titulo emtionis venditionis cedit. Quidquid vero hujus rei sit, qualecunque etiam beneficium dicatur, non tamen propterea natura emtionis immutatur, qualitate tituli onerosi remanente. Prono hinc fluere alveo, nemo non intelligit, procul nos ab æquitatis ac justitiæ tramine discessuros esse, si hominem feudo, oneroso satis titulo acquisito, ideo solum, quod ex mera negligentia, nullo intercedente dolo ac domini contentu, investituram renovandam non curaverit, privandum existimaremus. Eo magis, cum domino directo non hodie, æque ac olim, condictio causa data causa non secuta, subveniat; quia nimirum nostra ætate, pretii solutio, non vero spes servitiorum, princeps clientelæ concessæ causa existit. vid. de *LUDEWIG Diss. de Prorogat. Indult. Cap. V. §. 5.*

Condictio
causa data
causa non se-
cuta, domino
directo ho-
die ad feu-
dum propter
omissionem
Investituræ
revocandum
haud subve-
nit.

§. XXXIX. Novum præterea nostrorum & prioris seculi feudorum discrimen accedit, cum ea quondam de munere Regum concessa, ac proinde beneficia, honores & ministeria dicta fuerint; utpote quæ viris nobilibus, nec non militibus, ad obeunda servitia militaria tradebantur; du *FRESNE, in Glossar. sub voce, Beneficium, quorum fructibus, nummorum*

2) Olim feu-
da non hære-
ditaria erant:
ast nunc ta-
lia sunt, juris-
que necessa-
rii.

E

deficien-

deficiente apparatu, quo castra sequentibus stipendia constituerentur, instar stipendiorum utebantur. HADR. VALESIUS Rer. Francicar. Lib. VII. p. 360. Hæc Feuda primum annua, & ad tempus concessa, quocunque modo aut tempore domino placuerat, iterum auferri poterant, *L. Feud. l. §. 1.* donec paulo post, ad vitæ saltim tempus vassallis traderentur. Non tamen ad possessorum filios, jure successionis pertinebant, sed domini arbitrio, utrum ea in filium patris transferre vellet, an minus, relictum fuerat. v. STRUV. Hist. Jur. Feud. §. 9. Aliter longe se res hodie habet, ubi hæreditaria facta sunt beneficia, & successionem magis, quam ex Principum gratia conferuntur: Ex quibus, investituram non dominorum nunc arbitrii, sed juris necessarii esse, liquet; quippe qui clientelas, non more originis feudorum amplius conferre, sed confirmare tantum solent. Quare nostri beneficia temporis, quoad jus succedendi instar patrimonialium esse, GVIDO PAPA affirmat in Decis. Gratinop. Qv. LIX. §. 2.

In Feudis autem hæreditariis olim nulla opus fuit investituræ renovatione.

§. XL. In hoc autem beneficiorum genere nulla olim opus fuisse investituræ renovatione, de LUDEWIG, i. laudata. Diss. illustri feudorum SILESIE exemplo evincit; quorum eam esse rationem, ut nunquam vassallus ab hærede domini, renovationem aut confirmationem feudi petere cogatur, hocque plurimos. communi consensu DD. affirmare, HENELIUS in Silesiograph. Cap. VI. p. 77. tradit. vid. de LUDEWIG. in d. Diss. append. lit. A. Cui fragmentum ex SCHICKFUSII libro inedito, de feud. Siles. idem adjecit: ex quo Renovationem investiturarum SILESIE olim ignotam, ejusque omissionem rei feudalis amissione haut putatam fuisse edocemur: quod sæpe laudatus Dn. de LUDEWIG, de ANGLLE, SCOTLE aliarumque provinciarum beneficiis affirmat.

Ratio decidit: VI. ab origine Feudo.

§. XLI. Quin etiam non ignotum est, plurima GERMANIE feuda ex oblatorum genere esse. Quorum origini. Diffinitio.

ditiones partim frequentissimæ, in vernacula, *das Faß- und Stegreiff-Recht*. v. Diss. Illustr. THOMASII de Feud. oblat. §. 13. quibus solenne erat, ut, qui viribus diffidebant suis, potentioribus offerrent, eaque ab ipsis, promissa mutua fide, ut feuda reciperent, atque tutela dominorum & patrocínio contra inimicos fruerentur; partim superstitionum erga Ecclesias religio, quæ prioribus seculis ad summum usque pervenerat, quibus ultro bona sua offerebant; partim aliæ causæ in d. Diss. commemoratæ, ansam præbuerunt. Cui voluntariæ oblationi complures Imperii Principes, æctum cum Imperio Germanico nexum debere, non modo MONZAMBANO de statu Imperii Germanici, Cap. III. §. 3. sed etiam ITTERUS, alioqui MONZAMBANO adversus, Cap. I. §. 12. de Feud. Imp. varia hujus generis feudorum exempla adduxit, cum quo HORN. Cap. IV. de Feud. Impropr. §. XIV. & XVI. consentit.

§. XLII. Quis vero non videt, prædiorum ejusmodi oblatione, dominum a vasallo potius, per directi traditionem domini, quam vasallum a domino beneficium accepisse, atque adeo nimium quantum nostri ævi ac Germaniæ Feuda a Longobardorum beneficiis differre. Proinde in ejusmodi feudis oblati jus tantum clientelare dominum acquirere, tradiderunt RHETIUS ad I. Feud. I. & ITTERUS de Feud. Imp. Cap. I. §. 12. mitiusque vasallos, ejusmodi feudorum possessores, in pristinæ memoriam libertatis, habendos esse affirmat LYNCKERUS de Gravam. Extrajud. Cap. V. Sect. I. §. 24. Ex quibus apparet, dominum directo facilius dominio, quod vasallo largitore nactus est, quam vasallum utili excidere posse, legesque ideo Longobardicas, si vel maxime renovationem tam severe syadeant, ratione dispositionis deficiente, nostris haud aptari debere clientelis. v. supra §. IV.

§. XLIII. Et, ut taceamus, gratuitas olim fuisse investituras, earumque renovationem, cum hodie non raro, pro hujus,

rum Germanicorum sumitur; quorum pleraque ex genere Oblatorum sunt.

In Feudis oblati dominus a vasallo beneficium potius accipit, quam vasallus a domino.

Rat. dec. VII. Investituræ olim gratuitæ vel et erant, ho-

die autem quandoque qnerose.
R. dec. VIII. Servitia feudali fundo potius, quam personæ vassalli inhærent.
vel illius loci consuetudine, Laudemia præstentur: HORN. Cap. XVII. §. 21. accessit, quod rei potius, quam personæ vassalli, servitia inhæreant; unde parum interesse videtur, utrum Dominus noverit robur, habitum, dexteritatem, artes atque præstantiam vassalli; quem tamen olim non ultimum renovandæ investituræ finem fuisse constat. vid. de LUDEWIG in d. Diff. Cap. V.

R. decid. IX. In Saxonia Renovatio Investit. non tam necessaria esse videtur, propterea, quod finis ejusd. in Jurisjurandi præstatione consistens, maximam partem cesset.
§. XLIV. Quam parum porro hodie in SAXONIA clientelis renovatione investituræ opus sit, exinde elucescit, quod finis ipsius, eo præcipue tendens, ut dominus a vassallo agnoscat, & jusjurandum fidelitatis, quod cum morte jurantis quoad vinculum perjurii expiravit, vid. DD. ad Cap. XIV. X. de Jurejur. denuo a vassallo præstetur, evanescat. Siquidem vassalli subditi sunt, & homagium non minus, quam fidelitatis jusjurandum præstiterunt. Quare licet feuda non teneant, cum vita tamen & fortunis Principi obstringuntur; ideoque, quamvis renovationem intra legitimum tempus neglexerint, illam tamen sine periculo & detrimento domini, differre queunt.

R. decid. X. Feuda exigua ob omissionem Renovat. in Saxonia non amittuntur; a quibus ad majora concluditur.
§. XLV. Ex his, rigorem illum LL. Feudalium feudamissionem minantium, in SAXONIA evanuisse colligimus. Exemplum sane egregium in feudis exiguis offendimus, quorum possessores renovationem intra legitimum tempus omit- tentes, non privari iis, sed arbitraria puniri multa constat. v. STRUV. Syntagm. J. F. Cap. X. HORN. Cap. XVII. §. 18 & ROSENTHAL. Cap. VII. Conclus. 32 n. 3. Quin ipse CARP- ZOVIVS strenuus alias veterum admirator legum, feuda exigua, ut sunt: *Die Schultzen-Güter, Mann-Lehn*, non suo cadere jure, etiamsi intra anni & diei spatium investituræ renovationem vassalli non petierint, fatetur, P. II. Defin. 21. ad Constit. 4. A quibus ad majora concludere non prohibemur, sed rationis potius similitudine adjuvamus; utpote quum

quum feudum exiguum non minus feudum sit, atque magnum. Quod ergo textus de beneficiis indistincte sanciunt, de exiguo non minus ac de magno, ut intelligamus necesse est. VULTEJ. de Feud. l. 1. c. 7. §. 85. Neque CARPZOVIVM discrimen, quod minora hujusmodi feuda & magna intervenire existimat, juvat, quod scilicet illa, propter annuas pensiones a possessoribus eorum persolvendas, non titulo plane lucrativo, sed oneroso teneri videantur, hincque leges feudorum tam duræ, ad feuda exigua æque ac ad emphyteutica bona, haud extendendæ sint. Respondemus etenim 1) feuda tam exigua, quam majora beneficia domini esse atque manere; quare leges de feudis indistincte loquentes utrumque complectuntur. 2) A bonis feudalibus, exiguis licet, ad Emphyteutica, conclusionem non valere, ut ipsemet fatetur P. II. Constit. 38. Defin. 20; cum hæc, tam ratione originis, quam formæ toto cœlo differant: quapropter legibus non distinguentibus, nec nobis, sine urgente causa, id ipsum facere, integrum est. 3) Pensiones annuas ex minoribus persolvendas feudis, non tanti esse momenti, ut omnes redditus possessor in illas impendere debeat, propterea ratione residui saltem, intuitu cujus omittens renovationem, feudo vel maxime privari potest, lucrativis adnumeranda esse. Et ut tandem 4) quod res est, fateamur, nullum sane, si pensiones respicias, inter majora & exigua Saxoniarum feuda reale discrimen reperitur; siquidem & illa, ut supra monuimus, non gratis, sed onerosè ut plurimum conceduntur. 5) Adhæc eorum possesores, aut operas & servitia militaria, aut annuam pensionem, quæ vulgo *Ritter-Pferd* audit, dominis præstant. Quo ipso CARPZOVIVS, exigua feuda a jacturæ pœna eximendo, majora autem indistincte amissionis multæ submittendo, sibi & legibus contradicere videtur.

Carprov. discrimen, Feudis exiguis & majoribus, ratione tituli intercedere affirmans, refutatur.

Rat. dec. XI.
Ex his elicitur, consuetudine contraria veteres leges pœnam privationis in omissiones Reovationis statuentes, antiquas esse.
Accedunt DD. testimonia,

§. XLVI. Inquirentes itaque in veram hujus consuetudinis, feuda exigua ob omissionem renovationis non amitti permittentis, indolem, facile perspicimus, per eam constitutionum veterum rigorem hodie in Saxonia antiquatum esse. Unde factum est, ut per longum jam temporis tractum, pœnam tam duram in omissores investiturae pronuntiatam fuisse non meminerimus, quin potius in negligentia eorum, dominos connivisse, complures DDrum unanimi consensu affirmant. Audiamus Celeb. de LUDEWIG. conceptis verbis id asserentem, quando: *Imo, inquit, etiam temporum distinguantur intervalla, cum re ipsa constet, feuda in pejorem semper ivisse statum, & nexum clientelarem subinde factum esse laxiorem, ut pristini juris & rigoris vix umbra superesse videatur, instar servitutum apud Romanos, quæ principio immensa, deinde remissa, parum post imperio laxata, damum ita dissoluta, ut domini mallet servis carere, quam alere eos ad despectum & ludibrium.* v. Diss. de Prorog. Indult. Cap. I. §. 2. Hæc quamvis paulo durius dicta videantur, certum tamen est, mutatam feudorum, quoad acquisitionis modum, formam, contrariamque plurimarum Provinciarum consuetudinem, benigniorem in clientes dominorum voluntatem reddidisse. Consentit. WESENBEGIUS P. VI. Conclus. 261. qui *feuda hodie ob investitura neglectum, deficiente dolo, contemtuque domini, non caduca fieri, sed vassallis, qualicunque modo ratione neglectum excusare possint, indulgeri, arbitratur.* Ratio est supra a nobis commemorata, quia nimirum feuda non donatione amplius acquiruntur; & propterea ex qualicunque culpa revocari nequeunt. Requiritur ergo ad privationis pœnam, delictum dolo commissum: quale omissionem renovationis non dolo factam esse, nemo serio contendet. Propterea FICHARDUS T. II. Consil. 13. n. 12. regulam, quod propter omissionem investiti-

vestitura fundus feudalismittatur, tunc demum in plurimis GERMANIÆ partibus, quando vassallus sciens volensque cum dolo & contumacia, intra legitimum tempus renovationem negligit, obtinere, asserit. Et STRUVIUS in Syntagm. Cap. X. Aphor. 9. vassallum minus etiam probabilem, i. e. fatuam excusationem obvertentem, tamen ad iurjurandum admitti sicque Lipsiensis Scabini pronuntiasse, testis est. GALLIUS autem Lib. II. Observ. 48. §. 9. pariter ac HARTMANUS PISTORIS Lib. II. Qu. 18. n. 8. ad privationem feudi, scientie & contentus probationem requiri, durumque esse, aliquem ob tam exigui temporis lapsum jure suo privari, nec sole- re dominos beneficos vassallis, ex sola culpa, feuda eripere, explicite testantur. Cujus etiam sententiæ sunt THOMAS GRAMMATICUS & CÆSAR URSILLUS in Annotat. ad MATH. de AFFLICT. Decis. 265. n. 89. 90. §. 95. qui hodie non amplius clientes propter denunciationem non intra legitimum tempus factam privari feudis, sed ad summum arbitra- ria tantum pœna multari, commemorant. Idem etiam RO- SENTHAL, Cap. VI. Concl. 56. n. 1. 2. vassallum scilicet, mo- do dolo se non egerit, excusari, omnium in ore esse perhibet. Neminem vero, modo causam omissionis stolidam ac fatuam afferat, in dolo esse, constat ex l. 12. §. 1. 2. 7. de Liberal. Caus. Proinde ipse CARPZOVIUS P. II. ad Constit. 45. Mens. Aug. A. 1630. in causa Abrahami & Joachimi a Dybren, quorum uterque renovationem omiserat, eosdem, modo jurent: *Daß der Verzug der Lebens-Mietbung nicht dolo se geschehen &c.* Responso Scabin. Lips. absolutos fuisse fatetur. Alios silen- tio prætereo.

§. XLVII. Quæ omnia, ut per se, ex supra dictis luce sua radiant, ita eo firmiori talo nituntur, cum jure Saxonico Electorali P. II. Constit. 45. in omissores renovationis pœna 45. P. II. ^{Rat. dec. XII. argumento' Constit. El.} dam dura plane non constituatur. Quæ Constitutio, si vel maxi-

maxime se ad antiquiores leges referat, unice tamen ad omissionem malitiosam ex contemptu factam restringenda est; eo, quod contra veterum institutorum argumenta, simultaneè investitis quoque renovationem injungat; eaque propter tanquam novior atque exorbitans, strictissimæ interpretationi subijcienda est. Quam sententiam benigniorem non parum Usus fori suffulcit; utpote cum longo abhinc tempore, eadem SUMMO PROVOCATIONUM SENATUI, qui Dresdæ est, contunuo placuisse constet, HORN. Jurispr. Feud. Cap. XVII. Quemadmodum vero *Usus fori, consuetudo legis interpretativa* dicitur, v. ECKOLT. Compend. Pandect. ad Tit. de LL. SCtis §. 26; ita eandem vim suam in dicta Constitutione exercere, non dubitamus. *Nam Usus fori, aut observantia communiter, quid in causis in judicio decidendis, jure scripto non determinatis, statuendum sit, determinare solet,* v. SCHWENDENDOERFF. ad ECKOLT. d. §.

R. dec. XIII.
Mandat. Div.
Joh. Georg.
IV. explicatur, & ostenditur, quod in eo pœna amissionis non indistincte statuitur.

§ XLVIII. Neque nostram thesin infringit Div. JO. GEORGII IV. *Et. Mandat. de A. 1691.* cuj. Rubr: *Wie es mit Suchung der Lebn, und was selbiger mehr anhangig, allenthalben ins künfftige zu halten.* §. *Wer denn also aus seiner Pflicht &c.* Siquidem illud tam severam in renovationis omissores pœnam, uti ex ejusdem §. verb. fin. patet: *Es were dann &c.* non absolute statuit, sed vasallo, antequam privetur, se excusandi libertatem concedit. Sub verbis autem: *Bedenklichkeit und Hinderniß,* non justæ tantum causæ, in Longobardorum textibus expressæ, quæ ipso jure excusant, intelliguntur. Iis enim existentibus, vasallus non opus habet investituræ aut indulti petitione: quippe qui a pœna jacturæ ipso jure securus est; quum omnes causæ a mora excusantes, ob omissionem renovationis veniam mereantur. HORN. Cap. XVII. §. 17. sed aliæ etiam levioresque, Longobardorum textibus non definitiæ comprehenduntur,

tur, quales de LUDEWIG in d. Diff. Cap. V. §. 5. n. e. exempli loco adduxit. Quare cliens aliquam ignorantiam obvertat, minus probabilem etiam, aut, ut loqui amant, vincibilem, modo jurejurando eam probet; ad purgationem omnino sufficiet, v. STRUV. Cap. X. Aphorism. 9. Nam culpam latam in feudis oneroso præsertim titulo quæsitis, excusari, text. II. Feud. 52. urget. Lege autem explicite doli mentionem faciente, ne in pecuniariis quidem causis culpa lata dolo equiparatur. arg. l. 1. pr. & §. 4. π. Ne vis fiat ei, qui in possess. add. SYLVAN. de Recogn. Feudi Qu. 64. n. 7. & Qu. 66. n. 3. Sicut vero ex jam demonstratis, ex sola culpa vassallo pœnam irrogari haud posse apparet, ita multo facilius doli suspicio avertetur, cum frivola quævis ac stulta causa a dolo excuset. l. 3. & §. π. de liberali causa, & gloss. ad l. 1. π. de Abigeis. l. 14. C. ad L. Fab. de Plagiar.

§. XLIX. Quodsi etiam dictum mandatum ob stare tantisper concedamus, hoc tamen constat, secundum illud nunquam fere, ex quo promulgatum est, pronunciatum fuisse; dum non modo, ut supra § XLVII. h. Diff. monitum est, SUMMO PROVOCATIONUM SENATUI sæpius initio rem ferre sententiam placuerit, sed etiam SERENISSIMUS ac POTENTISSIMUS REX noster eandem non semel adprobaverit. Utpote QUI A. 1697. Senatui Schneebergensis municipii, qui intra legitimum tempus, neque indultum petierat, neque se investiendum curaverat, per Rescriptum ignovit, addita ratione decidendi: *Nun dann vermöge eures unterthanigsten Berichts, diejenige, welche also ihre obliegende Schuldigkeit, der gebühr nach, nicht beobachtet, allerseits nicht so wohl aus gestissenen Vorsatz nnd einen contentu, als aus Nachlässigkeit pecciret; So wollen wir &c. uigke nunmehr belieben werden.* Quibus verbis SE-

Rat. Decid. XIII. secundum Mandat. Div. Jo. Georg. IV. non pronunciar, sed mitiorem sententiam Usu fori receptam esse evincitur.

RENISS. LEGISLATOREM Constitutiones & mandata priora, interpretatione authentica ad solum contentum & dolum restrinxisse, videtur. Hæc mente porro CLEMENTISS. REX per Recess. Imperial. de A. 1700. §. 25. universam & generalem gratiam, sine discrimine, omnibus investituræ omissoribus concessit. Nec ita multo post vasallo nobili hujus delicti reo, ex eadem ratione veniam dedit, cumque ad investituram admisit. Quæ clementia A. 1707. d. 31. Mart. erga quinque vasallos nobiles, quarum singuli legitimam petendæ renovationis spatium neglexerant, usus est, nostram veniæ rationem, quod scilicet suam ex nullo contentu omiserint pietatem, Rescripto adjiciendo. Et, quod nostræ non parum sententiæ succurrit, eod. Rescript. verb. *Dass es bievor bey unserer Lehns-Curie dergestalt gehalten worden*: Consuetudinem Div. JO. GEORG. IV. Mandato contrariam agnovit & approbavit. Hæc Rescripta inserta legimus Cod. Augst. P. II. C. VII. von Lehns-Sachen. p. 1970. 74. 78. 79. Quodsi etiam a prædii Feudalis possessore, delictum cum contentus & Feloniæ suspitione, eo quod longo temporis intervallo, quo diversi casus, quibus investitura petenda erat, existerunt, committatur, nec vasallus justam excusandi causam habeat; ne hoc quidem ad clientelæ jacturam sufficit, utpote quum secundum *Erledig: Derer Landes-Gebrechen de A. 1661. Tit. von Justitien-Sachen §. 55.* causæ prius cognitio & sententia privatoria necessario requiratur. Quare Cammeræ, quem dicunt, Procurator, nomine quidem Filci contra vasallum agit, nihilo tamen secius cum excusatione sua reus admittitur.

Rat. Decid. §. L. His igitur, pro sententia benigniori stabilienda, XIV. Non haftenus in medium prolati argumentis, dilucide satis & pauci Celeberr. DD. no- spicue nos expedisse atque demonstrasse arbitramur, feudæ sententiæ *hodie in Saxonia cumprimis, propter non doloſam investituræ renova-* mantur.

renovationis omissionem, nequiquam amitti. Cui sententia, quosdam Celeberr. JCtorum favisse, uti ex supra dictis, §. XLVI. constat, ita etiam ROLAND. a VALLE Vol. II. Consil. 64. in fin. & Vol. IV. Consil. ult. n. 158. HARTM. PISTORIS L. II. Qu. 18. n. 8. SOGINUS JUN. Vol. II. Consil. 115. n. 16. VULTEJ. de Feud. Lib. I. Cap. II. n. 24. STRUV. Syntagm. J. F. Cap. X. Aphorism. 9. n. 3. p. 388. MAURIT. KILON. Consil. P. I. Conf. 10. n. 8. RHET. Comment. ad J. F. L. I. Tit. 22. §. 1. verb. *damnentur*. n. 3. MATH. de AFELICT. Decis. 164. & THOM. GRAMMATICUS ad dict. Decis. n. 89. Præcipue vero de LUDEWIG. in Diss. de Prorog. Indult. &c. veterum Longobardorum legum non-usum in hoc puncto expresse affirmarunt; WESENBECIUS autem Consil. 261. his verbis consentit: *Nunquam audiui, aut memini, aut legi, feudum ex tali causa revocationis fuisse, nisi conjuncto probatoque dolo ac domini contemtu.* Textus enim dolum vasalli ac contumaciam exigit, II. Feud. 52. c. ult. nec sufficit culpa, cum textus dolum requirat. Quibus SCHILTERUS Cap. 18. §. 4 p. 140. Cod. Jur. Alemann: *leges in Germania non secundum pœnam observari* perhibens, addi poterit. It. MAJER in Syntagm. Jur. Feud. Cap. XXIV. §. 7. p. 734. *arbitrariam hodie in omissiones investitura renovationis, in Germania præcipue Curias dictari solere*, tradit. Add. REUSNER. ad SCHNOBEL. de Feud. X. th. 8. l. c.

§. LI. His peractis, nihil amplius superest, quam ut satisfiat adversæ causæ patronis, respondendo ad argumenta eorum. Hinc ultimam operi huic manum impositurus, ad solutionem eorum me jamjam accingam. Quemadmodum vero ea ex Legibus partim, partim ex Analogia juris, partim ex rei substratæ natura desumpta sunt, ita singulis singulatim occurram. Primus textus, quem ob stare nobis putant, ex-

Transitio ad
Rationes Re-
futandi.

I. Rat. Ref. in
qua 1. Feud.
22. explica-

eur, & genui-
nus sensus
huj. textus
demonstra-
tur.

tat. 1. Feud. 22. (v. Ration. dubit. §. XV.) Hic vero ea mini-
me probat, quæ eum probare existimant. Licet enim in-
tra legitimum tempus investituram injungat, ejusque omis-
sores damnari jubeat; nondum tamen evictum est, 1) utrum
indistincte qualemcunque renovationis omissionem, an vero
dolosam solummodo intelligat. Nec 2) constat, utrum ver-
bo, *damentur*, poena jacturæ feudi intelligatur, an extraor-
dinaria, an vero vasallus, judicio tantum conveniri jubea-
tur. Quæ ultima interpretatio reliquis præstat, propterea,
quod verbum, *damnare*, non semper sensu, verbo *absolve-
re* contrario, sumatur, sed *σύνταξιν* sæpe vocis, *accusare* imi-
tetur. Quo significatu a variis, iisque optimæ notæ aucto-
ribus adhibitum reperitur. Sic ipse pater eloquentiæ, CI-
CERO, *damnari ambitus*, in Brut. 48. Sic NEPOS *damna-
runt eum proditoris*, in Themistocl. cap. VIII. §. 3. scripse-
runt. Quibus in locis idem significat, ac, *criminis accusa-
re*. Unde plenius CICERO Lib. V. orat. in Verr. nomine in-
quit, *sceleris & conjurationis damnati* h. e. criminis accusari
conjurationis. Proinde verbum, *damnatus* per Syncopen
damnas idem, quod in vernacula, *verpflichtet* dicimus, ex-
primit. Quippe qua significatione testatores Romani legata
relinquentes, utebantur: *Heres meus damnas esto dare cen-
tum*, id est, obstrictus esto dare centum. Et hac significa-
tione vocabulum, *damentur*, in textu nostro sumi, exinde
conjectimus; quia per text. 1. Feud. 21. verb. *sancimus ut nemo
miles sine cognita culpa beneficium amittat*, & text. 1. Feud.
22. §. 3. verb. *Sancimus ut nemo miles adimatur de possessione
sui beneficii, nisi convicta culpa* &c. constat, neminem vasal-
lūm, nisi præcedente cognitione causæ & sententia privato-
ria, clientela privari. Inde verbo, *damentur*, Imperato-
ratorem velle, patet, ut vasallus omittens investituram, in
judicium ad rationem reddendam, & delictum, cujus reus
est,

est, purgandum, vocetur. In cujus sententiæ partes eunt, cum analogia juris idiomaque verbi, tum etiam DD. præcipue MAJERUS in Syntagm. Feud. C. 29. §. 9. & SCHNOBELIUS in Comment. Jur. Feud. L. I. tit. 22. Ex quo fluit, adversariis huncce textum nihil, pro defendenda thesi sua, auxilii præstare.

§. LII. Eadem ratione *text. II. Feud. 24. pr.* non modo parum probare, sed obstare potius contrariæ sententiæ cultoribus videtur. Quamvis enim OBERTUS in eo, renovationem intra legitimum tempus, adjecta amissionis comminatione injungat; ex verbis tamen, *tanquam ingratus ex-issens*, eum de dolosa renovationis omissione sermonem facere colligo; respiciendo tam causas ad donationem revocandam sufficientes, quas atroces & dolo mixtas esse oportet, v. Princip. X. & Rat. decid. §. XXXVI, quam reliquas in eodem tit. recensitas amissionis causas, quam omnes atrocissimas, iisque, ob quas filius exheredatur, & donatario donum aufertur, æquales esse videmus, *II. Feud. 24.* Ejusmodi enim atrocita facta per vocem ingratitude expressi, ex *Rubro & Nigr. text. II. Feud. 57.* innotescit. Quare ille OBERTI textus meæ sententiæ non officit, sed vasallum potius dolose investituram, omittentem feudo excidere mecum asserere videtur.

§. LIII. Ad tertiam legem nobis obstantem quod attinet, quæ est *II. Feud. 55. verb. Præterea si quis &c.* negare haud possum, eam propter expressam *incuriam & negligentiam*, ob quam feudum amitti sancit, reliquis refutatu difficiliorem esse: at tamen, adhibita legibus convenienti interpretatione, non adeo nobis eam adversari reperimus. Nam 1) supra dictis in Decid. Rat II. §. XXXIV. respondemus, ubi per *culpam*, sæpe crimen, vel delictum intelligi, prolixè demonstratum est. Sicut autem *negligentia & incuria, culpa* synonyma sunt, ita iisdem

II. Rat. Ref.
interpretationem textus: II. Feud. 24. pr. comprehendens.

III. Rat. Ref.
mentem veram textus II. F. 52. v. Præterea, &c. exponens.

verbi culpam dolo mixtam, aut affectatam certe negligentiam, exprimi verosimile est. Observantes igitur 1) solidæ interpretationis regulas, in dubio verba secundum materiam substratam mitiganda esse censemus; cum verba legis asperiora, rigore, animi legislatoris superasse, eumque plus dixisse quam sensisse, probabile ad nodum sit; v. HORN. de Interpret. leg. C. IV. eo magis, quod ex aliis textibus in mitiorem partem euntibus, mens legis evidentior ac planior appareat, notumque sit, *in dubio mitiorem semper amplectendam esse sententiam.* v. supra Princip. VI. §. XXIX.

V. Rat. Ref.
in qua II.
Feud. 24 § 2.
evocatur.

§. LIV. Porro ad legem II. Feud. 24. §. 2. verb. *quod si non fecerit, &c.* qua culpam a fraude distincte separari, & utramque privationis pœna dignam censeretur, adversarii dicunt, reddo: loqui eam de periculo gravissimo vitæ domini ac fortunæ interitum minanti, quod vassallus, vel negligentia vel fraude, *scienter* celavit, eumque feudo exuendum esse, præcipere. Nam & hoc loco negligentia dolo mixta intelligitur. Quid enim magis dolum redolet, quam scire alicui, cui pietatem & fidem debemus, vitæ insidias strui, & tamen eas non indicare. Quale profecto periculum ex omissione renovationis intra legitimum tempus, ad dominum nequaquam redundare in aprico est. Proinde OBERTUM h. l. negligentiam dolo mixtam, seu affectatam, præcipue cum eam fraudi præposuerit, intellexisse statuendum est.

V. Rat. Ref.
in qua II. F. 40.
pr. revchitur.

§. LV. Ad text. II. Feud. 40 pr. renovationem feudi intra legitimum tempus, sub pœna amissionis injungentem, rehero: illum in genere loquentem, per leges se clarius explicantes, interpretandum esse. Quemadmodum vero nullus, in omnibus Feudorum textibus, mentem evidentius hac de re suam prodit, quam II. Feud. 52. in quo sola fraus & dolo, ad omissionem renovationis, feudi jacturam multandam requiritur, simulque ratio sanctionis, verb. *quoniam inter dominum*

minum & vasallum nullum malum ingenium intervenire debet, adnexa est. Quapropter hic textus per supra dicta, Princ. VI. reliquis non modo præferendus est constitutionibus, sed hæc etiam obscuræ aut generales, ex illo interpretationem authentica nanciscuntur.

§. LVI. Nec adversariis, ultima text. II. Feud. 52. verba: *dolus autem abesse videtur, si justa causa impediens steterit*, subveniunt. Nam 1) replico pro cardico trito Philosoph: *Uno posito non tollitur alterum*, h. e. cum in hoc textu ponitur: *dolus abesse videtur*, &c. non sequitur: Ergo ob negligentiam, quam vasallus omittendo renovationem adhibuit, feudo privandus est. Sed 2) hoc tantummodo Imperator verbis illis intendit, quod si justa omissionis causa vasallo obvenerit, suspicionem doli ipso jure cadere, ut ne habeat quidem cliens, cur se excuset. I. Feud. 22. Siquidem nec hodie propterea indultus petione opus esse, Dn. de LUDEWIG perhibet in Diss. de Prorog. Indult. Cap. V. §. 3. Si vero justa causa non adfuerit, sed negligeriter, sine dolo omisa fuerit renovatio, dolum non quidem abesse videri: propterea tamen clientem non amittere beneficium, sed arg. I. Feud. 22. verb. *damnentur*, dignum esse, qui in judicium vocetur, & coram Paribus se a præsumptione doli, qui alias, justa existente causa non præsumitur, liberet. Hanc ut genuinam Imperatoris mentem esse censeo, ita reliquos textus secundum eam explicandos esse, supra jam monitum est.

§. LVII. Quod Saxonici Juris leges, ab adversæ causæ patronis, meam subvertendi sententiam gratia prolatas spectat, easdem, cum, vel plane de alia investitura loquantur, vel investituræ renovationem sine singularis adjectione poenæ, injungant, parum ad rem facere persuasus sum. Caput enim VII. Jur. Sax. Feud. §. fin. mentem ejus penitus expendentem, non de renovatione investituræ veteris, de qua h. l. sermo est, sed

VI. Rat. Ref. in qua ultima verba textus: II. F. 52. explicantur.

VII. Refutatur Sax. Jur. Ant. textus.

deficiente apparatu, quo castra sequentibus stipendia constituerentur, instar stipendiorum utebantur. HADR. VALESIUS Rer. Francicar. Lib. VII. p. 360. Hæc Feuda primum annua, & ad tempus concessa, quocunque modo aut tempore domino placuerat, iterum auferri poterant, *l. Feud. l. §. 1.* donec paulo post, ad vitæ saltim tempus vassalli traderentur. Non tamen ad possessorum filios, jure successionis pertinebant, sed domini arbitrio, utrum ea in filium patris transferre vellet, an minus, relictum fuerat. v. STRUV. Hist. Jur. Feud. §. 9. Aliter longe se res hodie habet, ubi hæreditaria facta sunt beneficia, & successionem magis, quam ex Principum gratia conferuntur: Ex quibus, investituram non dominorum, nunc arbitrii, sed juris necessarii esse, liquet; quippe qui clientelas, non more originis, feudorum amplius conferre, sed confirmare tantum solent. Quare nostri beneficia temporis, quoad jus succedendi instar patrimonialium esse, GUIDO PAPA affirmat in Decis. Gratinop. Qv. LIX. §. 2.

In Feudis autem hæreditariis olim nulla opus fuit investituræ renovatione.

§. XL. In hoc autem beneficiorum genere nulla olim opus fuisse investituræ renovatione, de LUDEWIG, ipse laudata Diss. illustri feudorum SILESIE exemplo evincit; quorum eam esse rationem, ut nunquam vassallus ab hærede domini, renovationem aut confirmationem feudi petere cogatur, hocque plurimos, communi consensu DD. affirmare, HENNELIUS in Silesiograph. Cap. VI. p. 77. tradit. vid. de LUDEWIG. in d. Diss. append. lit. A. Cui fragmentum ex SCHICKFUSII libro inedito, de feud. Siles. idem adjecit: ex quo Renovationem investiturarum SILESIE olim ignotam, ejusque omissionem rei feudalis amissione haut punitam fuisse edocemur: quod sæpe laudatus Dn. de LUDEWIG, de ANGLIE, SCOTIE aliarumque provinciarum beneficiis affirmat.

Ratio decidit: VI. ab origine Feudo-

§. XLI. Quin etiam non ignotum est, plurima GERMANIE feuda ex *oblatorum* genere esse. Quorum origini Diffinitio-

dationes partim frequentissimæ, in vernacula, *das Faust- und Stegreiff-Recht*, v. Diss. Illustr. THOMASII de Feud. oblat. §. 13. quibus solenne erat, ut, qui viribus diffidebant suis, potentioribus offerrent, eaque ab ipsis, promissa mutua fide, ut feuda reciperent, atque tutela dominorum & patrocinio contra inimicos fruerentur; partim superstitiosorum erga Ecclesiæ religio, quæ prioribus seculis ad summum usque pervenerat, quibus ultro bona sua offerebant; partim aliæ causæ in d. Diss. commemoratæ, ansam præbuerunt. Cui voluntariæ obligationi complures Imperii Principes, æctum cum Imperio Germanico nexum debere, non modo MONZAMBANO de statu Imperii Germanici, Cap. III. §. 3. sed etiam ITTERUS, alioqui MONZAMBANO adversus, Cap. I. §. 12. de Feud. Imp. varia hujus generis feudorum exempla adduxit, cum quo HORN. Cap. IV. de Feud. Impropr. §. XIV. & XVI. consentit.

rum Germanicorum sumitur; quorum pleraque ex genere Oblatorum sunt.

§. XLII. Quis vero non videt, prædiorum ejusmodi obligatione, dominum a vasallo potius, per directi traditionem dominii, quam vasallum a domino beneficium accepisse, atque adeo nimium quantum nostri ævi ac Germaniæ Feuda a Longobardorum beneficiis differre. Proinde in ejusmodi feudis oblati jus tantum clientelæ dominum acquirere, tradiderunt RHETIUS ad I. Feud. I. & ITTERUS de Feud. Imp. Cap. I. §. 12. mitiusque vasallos, ejusmodi feudorum possessores, in pristinæ memoriam libertatis, habendos esse affirmat LYNCKERUS de Gravam. Extrajud. Cap. V. Sect. I. §. 24. Ex quibus apparet, dominum directo facilius dominio, quod vasallo largitore nactus est, quam vasallum utili excidere posse, legesque ideo Longobardicas, si vel maxime renovationem tam severe svadeant, ratione dispositionis deficiente, nostris haud aptari debere clientelis. v. supra §. IV.

In Feudis oblati dominus a vasallo beneficium potius accipit, quam vasallus a domino.

§. XLIII. Et, ut taceamus, gratuitas olim fuisse investituras, earumque renovationem, cum hodie non raro, pro hujus-

Rat. dec. VII. Investituræ olim gratuitas vel et erant, ho-

die autem
quandoque
onerosa
R. dec. VIII.
Servitia feu-
dali fundo
potius, quam
personæ va-
salli inhæ-
rent.

R. decid. IX.
In Saxonia
Renovatio
Investit. non
tam nec. fis-
saria esse vide-
tur, propterea,
quod finis ejusd.
in Jurisjurandi
præstatione
consistens,
maximam
partem cesset.

Rat. decid. X.
Feuda exigua
ob omissionem
Renovationem
Investit. in Saxonia
non amittuntur;
a quibus
ad majora
concluditur.

vel illius loci consuetudine, Laudemia præstentur: HORN. Cap. XVII. §. 21. accessit, quod rei potius, quam personæ vasalli, servitia inhæreant; unde parum interesse videtur, utrum Dominus noverit robur, habitum, dexteritatem, artes atque præstantiam vasalli; quem tamen olim non ultimum renovandæ investituræ finem fuisse constat, vid. de LUDEWIG in d. Diss. Cap. V.

§. XLIV. Quam parum porro hodie in SAXONIÆ clientelis renovatione investituræ opus sit, exinde elucescit, quod finis ipsius, eo præcipue tendens, ut dominus a vasallo agnoscat, & jusjurandum fidelitatis, quod cum morte jurantis quoad vinculum perjurii expiravit, vid. DD. ad Cap. XIV. X. de Jurejur. denuo a vasallo præstetur, evanescat. Siquidem vasalli subditi sunt, & homagium non minus, quam fidelitatis jusjurandum præstiterunt. Quare licet feuda non teneant, cum vita tamen & fortunis Principi obstringuntur; ideoque, quamvis renovationem intra legitimum tempus neglexerint, illam tamen sine periculo & detrimento domini, differre queunt.

§. XLV. Ex his, rigorem illum LL. Feudalium feudi amissionem minantium, in SAXONIA evanuisse colligimus. Exemplum sane egregium in feudis exiguis offendimus, quorum possessores renovationem intra legitimum tempus omit- tentes, non privari iis, sed arbitraria puniri multa constat. v. STRUV. Syntagm. J. F. Cap. X. HORN. Cap. XVII. §. 18 & ROSENTHAL. Cap. VII. Conclus. 32 n. 3. Quin ipse CARP- ZOVIVS strenuus alias veterum admirator legum, feuda exigua, ut sunt: *Die Schulzen-Güter, Mann-Lehn*, non suo cadere jure, etiamsi intra anni & diei spatium investituræ renovationem vasalli non petierint, fatetur, P. II. Defin. 21. ad Constit. 47. A quibus ad majora concludere non prohibemur, sed rationis potius similitudine adjuvamus; utpote quum

quum feudum exiguum non minus feudum sit, atque magnum. Quod ergo textus de beneficiis indistincte faciunt, de exiguo non minus ac de magno, ut intelligamus necesse est. VULTEJ. de Feud. l. 1. c. 7. §. 85. Neque CARPZOVIUM discrimen, quod minora hujusmodi feuda & magna intervenire existimat, juvat, quod scilicet illa, propter annuas pensiones a possessoribus eorum persolvendas, non titulo plane lucrativo, sed oneroso teneri videantur, hincque leges feudorum tam duræ, ad feuda exigua æque ac ad emphyteutica bona, haud extendendæ sint. Respondemus etenim 1) feuda tam exigua, quam majora beneficia domini esse atque manere; quare leges de feudis indistincte loquentes utrumque complectuntur. 2) A bonis feudalibus, exiguis licet, ad Emphyteutica, conclusionem non valere, ut ipsemet fatetur P. II. Constit. 38. Defin. 20; cum hæc, tam ratione originis, quam formæ toto cælo differant: quapropter legibus non distinguentibus, nec nobis, sine urgente causa, id ipsum facere, integrum est. 3) Pensiones annuas ex minoribus persolvendas feudis, non tanti esse momenti, ut omnes redditus possessor in illas impendere debeat, propterea ratione residui saltem, intuitu cujus omittens renovationem, feudo vel maxime privari potest, lucrativis adnumeranda esse. Et ut tandem 4) quod res est, fateamur; nullum sane, si pensiones respicias, inter majora & exigua Saxoniarum feuda reale discrimen reperitur; siquidem & illa, ut supra monuimus, non gratis, sed onerosè ut plurimum conceduntur. 5) Adhæc eorum possessores, aut operas & servitia militaria, aut annuam pensionem, quæ vulgo *Ritter-Pferd* audit, dominis præstant. Quo ipso CARPZOVIUS, exigua feuda a jacturæ pœna eximendo, majora autem indistincte amissionis multæ submittendo, sibi & legibus contradicere videtur.

Carpzov. discrimen, Feudis exiguis & majoribus, ratione tituli intercedere affirmans, refutatur.

Rat. dec. XI.
Ex his elicitur, consuetudine contraria veteres leges penam privationis in omissiones Renovationis statuentes, antiquatas esse.
Accedunt DD. testimonia,

§. XLVL. Inquirentes itaque in veram hujus consuetudinis, feuda exigua ob omissionem renovationis non amitti permittentis, indolem, facile perspicimus, per eam constitutionum veterum rigorem hodie in Saxonia antiquatum esse. Unde factum est, ut per longum jam temporis tractum, poenam tam duram in omissiones investiturae pronunciatam fuisse non meminerimus, quin potius in negligentia eorum, dominos connivisse, complures DDrum unanimi consensu affirmant. Audiamus Celeb. de LUDEWIG. conceptis verbis id asserentem, quando : *Imo, inquit, etiam temporum distinguantur intervalle, cum re ipsa constet, feuda in pejorem semper ivisse statum, & nexum clientelarem subinde factum esse laxiorem, ut pristini juris & rigoris vix umbra superesse videatur, instar servitutum apud Romanos, quae principio immensa, deinde remissa, parum post imperio laxata, demum ita dissoluta, ut domini mallet servis carere, quam alere eos ad despectum & ludibrium.* v. Diss. de Prorog. Indult. Cap. I. §. 2. Hæc quamvis paulo durius dicta videantur, certum tamen est, mutatam feudorum, quoad acquisitionis modum, formam, contrariamque plurimarum Provinciarum consuetudinem, benigniorem in clientes dominorum voluntatem reddidisse. Consentit, WESENBEGIUS P. VI. Conclus. 261. qui *feuda hodie ob investiturae neglectum, deficiente dolo, contemtuque domini, non caduca fieri, sed vasallis, qualicunque modo ratione neglectum excusare possint, indulgeri, arbitratur.* Ratio est supra a nobis commemorata, quia nimirum feuda non donatione amplius acquiruntur; & propterea ex qualicunque culpa revocari nequeunt. Requiritur ergo ad privationis poenam, delictum dolo commissum: quale omissionem renovationis non dolo factum esse, nemo serio contendet. Propterea FICHARDUS T. II. Consil. 13. n. 12. regulam, quod propter omissionem investi-

vestitura fundus feudalís amittatur, tunc demum in plurimis GERMANIÆ partibus, quando vassallus sciens volensque cum dolo & contumacia, intra legitimum tempus renovationem negligit, obtinere, asserit. Et STRUVIUS in Syn- tagm. Cap. X. Aphor. 9. vassallum minus etiam probabilem, i. e. fatuam excusationem obvertentem, tamen ad iurjurandum admitti sicque Lipsiensis Scabini pronuntiasse, testis est. GAL- LIUS autem Lib. II. Observ. 48. §. 9. pariter ac HARTMAN- NUS PISTORIS Lib. II. Qu. 18. n. 8. ad privationem feudi, scientia & contentus probationem requiri, durumque esse, ali- quem ob tam exigui temporis lapsum jure suo privari, nec sole- re dominos beneficos vassallis, ex sola culpa, feuda eripere, ex- plicite testantur. Cujus etiam sententiæ sunt THOMAS GRAMMATICUS & CÆSAR URSILLUS in Annotat. ad MATH. de AFFLICT. Decis. 265. n. 89. 90. §. 95. qui hodie non amplius clientes propter denunciationem non intra legiti- mum tempus factam privari feudis, sed ad summum arbitra- ria tantum pena multari, commemorant. Idem etiam RO- SENTHAL. Cap. VI. Concl. 56. n. 1. 2. vassallum scilicet, mo- do dolose non egerit, excusari, omnium in ore esse perhibet. Neminem vero, modo causam omissionis stolidam ac fatuam afferat, in dolo esse, constat ex l. 12. §. 1. 2. n. de Liberal. Caus. Proinde ipse CARPZOVIUS P. II. ad Constit. 45. Mens. Aug. A. 1630. in causa Abrahami & Joachimi a Dybren, quorum uterque renovationem omiserat, eosdem, modo jurent: *Daß der Verzug der Lehns-Muthung nicht dolose geschehen &c.* Responso Scabin. Lips. absolutos fuisse fatetur. Alios silen- tio prætereo.

§. XLVII. Quæ omnia, ut per se, ex supra dictis luce sua radiant, ita eo firmiori talo nituntur, cum jure Saxonico Electorali P. II. Constit. 45. in omissores renovationis pena-
Rat. dec. XII.
argumento
Constit. El.
45. P. II.
 dam dura plane non constituatur. Quæ Constitutio, si vel
 maxi-

maxime se ad antiquiores leges referat, unice tamen ad commissionem malitiosam ex contemptu factam restringenda est; eo, quod contra veterum institutorum argumenta, simultaneè investitis quoque renovationem injungat; eaque propter tanquam novior atque exorbitans, strictissimæ interpretationi subjicienda est. Quam sententiam benigniorem non parum Usus fori suffulcit; utpote cum longo abhinc tempore, eadem SUMMO PROVOCATIONUM SENATUI, q̄i Dresdæ est, contunuo placuisse constet, HORN. Jurispr. Feud. Cap. XVII. Quemadmodum vero *Usus fori, consuetudo legis interpretativa* dicitur, v. ECKOLT. Compend. Pandect. ad Tit. de LL. SCtis §. 26; ita eandem vim suam in dicta Constitutione exercere, non dubitamus. Nam *Usus fori, aut observantia communiter, quid in causis in judicio decidendis, jure scripto non determinatis, statuendum sit, determinare solet*, v. SCHWENDENDOERFF. ad ECKOLT. d. §.

R. dec. XIII.
Mandat. Div.
Joh. Georg.
IV. explicatur, & ostenditur, quod in eo pœna amissionis non indistincte statuitur.

§ XLVIII. Neque nostram thesin infringit Div. JO. GEORGII IV. Et. Mandat. de A. 1691. cuj. Rubr: *Wie es mit Suchung der Lehn, und was selbiger mehr anhangig, allenthalben ins künfftige zu halten. §. Wer denn also aus seiner Pflicht &c.* Siquidem illud tam severam in renovationis omissores pœnam, uti ex ejusdem §. verb. fin. patet: *Es were dann &c.* non absolute statuit, sed vasallo, antequam privetur, se excusandi libertatem concedit. Sub verbis autem: *Bedencklichkeit und Hinderniß*, non justæ tantum causæ, in Longobardorum textibus expressæ, quæ ipso jure excusant, intelliguntur. Iis enim existentibus, vasallus non opus habet investituræ aut indulti petitione: quippe qui a pœna jacturæ ipso jure securus est; quum omnes causæ a mora excusantes, ob omissionem renovationis veniam mereantur. HORN. Cap. XVII. §. 17. sed aliæ etiam levioresque, Longobardorum textibus non definitæ comprehenduntur,

tur, quales de LUDEWIG in d. Diff. Cap. V. §. 5. n. e. exempli loco adduxit. Quare cliens aliquam ignorantiam obvertat, minus probabilem etiam, aut, ut loqui amant, vincibilem, modo jurejurando eam probet, ad purgationem omnino sufficiet. v. STRUV. Cap. X. Aphorism. 9. Nam culpam latam in feudis oneroso præsertim titulo quæsitis, excusari, *text. II. Feud. 52.* urget. Lege autem explicite doli mentionem faciente, ne in pecuniariis quidem causis culpa lata dolo equiparatur. *arg. l. 1. pr. & §. 4. π. Ne vis fiat ei, qui in poss. add. SYLVAN. de Recogn. Feudi Qu. 64. n. 7. & Qu. 66. n. 3.* Sicut vero ex jam demonstratis, ex sola culpa vasallo pœnam irrogari haud posse apparet, ita multo facilius doli suspicio avertetur, cum frivola quævis ac stulta causa a dolo excuset. *l. 3. & 5. π. de liberali causa, & gloss. ad l. 1. π. de Abigeis. l. 14. C. ad L. Fab. de Plagiari.*

§. XLIX. Quodsi etiam dictum mandatum ob stare tantisper concedamus, hoc tamen constat, secundum illud nunquam fere, ex quo promulgatum est, pronunciatum fuisse; dum non modo, ut supra § XLVII. h. Diff. monitum est, SUMMO PROVOCATIONUM SENATUI sæpius mitiorem ferre sententiam placuerit, sed etiam SERENISSIMUS ac POTENTISSIMUS REX noster eandem non semel adprobaverit. Urpote QUI A. 1697. Senatui Schneebergensis municipii, qui intra legitimum tempus, neque indultum petierat, neque se investiendum curaverat, per Rescriptum ignovit, addita ratione decidendi: *Nun dann vermæge eures unterthanigsten Berichts, diejenige, welche also ihre obliegenden Schuldigkeit, der gebühr nach, nicht beobachtet, allerseits nicht so wohl aus geflißenen Vorsatz nnd einen contemtu, als aus Nachlässigkeit pecciret; So wollen wir &c. usque nunmehr belieben werden.* Quibus verbis SE-

Rat. Decid. XIII. secundum Mandat. Div. Jo. Georg. IV. non pronunciar, sed mitiorem sententiam Ufu fori receptam esse evincitur.

RENISS. LEGISLATOREM Constitutiones & mandata priora, interpretatione authentica ad solum contemptum & dolum restrinxisse, videtur. Hæc mente porro **CLEMENTISS. REX** per Recept. Imperial. de A. 1700. §. 25. universam & generalem gratiam, sine discrimine, omnibus investituræ omissionibus concessit. Nec ita multo post vasallo nobili huius delicti reo, ex eadem ratione veniam dedit, cumque ad investituram admisit. Qua clementia A. 1707. d. 31. Mart. erga quinque vasallos nobiles, quarum singuli legitimam petendæ renovationis spatium neglexerant, usus est, nostram veniæ rationem, quod scilicet suam ex nullo contemptu omiserint pietatem, Rescripto adjiciendo. Et, quod nostræ non parum sententiæ succurrit, eod. Rescript. verb. *Dasses bievor bey unserer Lehns-Curie dergestalt gehalten worden*: Consuetudinem Div. **JO. GEORG. IV.** Mandato contrariam agnovit & adprobavit. Hæc Rescripta inserta legimus Cod. August. P. II. C. VII. von Lehns-Sachen. p. 170. 74. 78. 79. Quodsi etiam a prædii Feudalis possessore, delictum cum contemptus & Feloniæ suspicione, eo quod longo temporis intervallo, quo diversi casus, quibus investitura petenda erat, existerunt, committatur, nec vasallus justam excusandam causam habeat; ne hoc quidem ad clientelæ jacturam sufficit, utpote quum secundum *Erledig: Derer Landes-Gebrechen de A. 1661. Tit. von Justitien-Sachen §. 55.* causæ prius cognitio & sententia privatoria necessario requiratur. Quare Cammeræ, quem dicunt, Procurator, nomine quidem Fisci contra vasallum agit, nihilo tamen secius cum excusatione sua reus admittitur.

Rat. Decid. XIV. Non haec igitur, pro sententia benigniori stabilienda, pauci Celeberr. DD. no-
 stræ sententia patrocina-
 nantur.
 §. L. His igitur, pro sententia benigniori stabilienda, hactenus in medium prolati argumentis, dilucide satis & perspicue nos expedisse atque demonstrasse arbitramur, *feudæ hodie in Saxonia cumprimis, propter non doloſam investituræ*
 reno-

renovationis omissionem, neutiquam amitti. Cui sententia, quosdam Celeberr. JCorum. fuisse, uti ex supra dictis, §. XLVI. constat, ita etiam ROLAND. a VALLE Vol. II. Consil. 64. in fin. & Vol. IV. Consil. ult. n. 158. HARTM. PI-STORIS L. II. Qu. 18. n. 8. SOGINUS JUN. Vol. II. Consil. 115. n. 16. VULTEJ. de Feud. Lib. I. Cap. II. n. 24. STRUV. Syntagm. J. F. Cap. X. Aphorism. 9. n. 3. p. 388. MAURIT. KILON. Consil. P. I. Conf. 10. n. 8. RHET. Comment. ad J. F. L. I. Tit. 22. §. 1. verb. *dammuntur*. n. 3. MATH. de AFELICT. Decis. 164. & THOM. GRAMMA-TICUS ad dict. Decis. n. 89. Præcipue vero de LUDEWIG. in Diss. de Prorog. Indult. &c. veterum Longobardorum le-gum non-usum in hoc puncto expresse affirmarunt; WE-SENBECIUS autem Consil. 261. his verbis consentit: *Nun-quam audivi, aut meminisse, aut legi, feudum ex tali causa revo-catum fuisse, nisi conjuncto probatoque dolo ac domini contem-tu.* Textus enim dolum vasalli ac contumaciam exigit, II. Feud. 52. c. ult. nec sufficit culpa, cum textus dolum re-quirat. Quibus SCHILTERUS Cap. 18. §. 4. p. 140. Cod. Jur. Alemann: *leges in Germania non secundum poenam ob-servari* perhibens, addi poterit. It. MAJER. in Syntagm. Jur. Feud. Cap. XXIV. §. 7. p. 734. *arbitrariam hodie in omisso-res investitura renovationis, in Germania præcipue Curis di-ctari solere*; tradit. Add. REUSNER. ad SCHNOBEL. de Feud. X. th. 8. l. c.

§. LI. His peractis, nihil amplius superest, quam ut sa-ris fiat adversæ causæ patronis, respondendo ad argumen-ta eorum. Hinc ultimam operi huic manum impositurus, ad solutionem eorum me jamjam accingam. Quemadmodum vero ea ex Legibus partim, partim ex Analogia juris, partim ex rei substratæ natura desumpta sunt, ita singulis singulatim occurram. Primus textus, quem ob stare nobis putant, ex-

Transitio ad
Rationes Re-
futandi.

I. Rat. Ref. in
qua I. Feud.
tat. 22. explica-

eur, & genui-
nus sensus
huj. textus
demonstra-
tur.

tat 1. Feud. 22. (v. Ration. dubit. §. XV.) Hic vero ea mini-
me probat, quæ cum probare existimant. Licet enim in-
tra legitimum tempus investituram injungat, ejusque omis-
sores damnari jubeat; nondum tamen evictum est, 1) utrum
indistincte qualemcunque renovationis omissionem, an vero
dolosam solummodo intelligat. Nec 2) constat, utrum ver-
bo, *damnentur*, poena jacturæ feudi intelligatur, an extraor-
dinaria, an vero vasallus, judicio tantum conveniri jubea-
tur. Quæ ultima interpretatio reliquis præstat, propterea,
quod verbum, *damnare*, non semper sensu, verbo *absolvere*
contrario, sumatur, sed *σύνταξις* sæpe vocis, *accusare* imi-
tetur. Quo significatu a variis, iisque optimæ notæ aucto-
ribus adhibitum reperitur. Sic ipse pater eloquentiæ, CI-
CERO, *damnari ambitus*, in Brut. 48. Sic NEPOS *damna-
runt eum proditoris*, in Themistocl. cap. VIII. §. 3. scripse-
runt. Quibus in locis idem significat, ac, *criminis accusa-
re*. Unde plenius CICERO Lib. V. orat. in Verr. nomine in-
quit, *sceleris & conjurationis damnati* h. e. criminis accusati
conjurationis. Proinde verbum, *damnatus* per Syncopen
damnas idem, quod in vernacula, *verpflichtet* dicimus, ex-
primit. Quippe qua significatione testatores Romani legata
relinquentes, utebantur: *Heres meus damnas esto dare cen-
tum*, id est, obstrictus esto dare centum. Et hac significa-
tione vocabulum, *damnentur*, in textu nostro sumi, exinde
conjectimus; quia per text. 1. Feud. 21. verb. *sancimus ut nemo
miles sine cognita culpa beneficium amittat*, & text. 1. Feud.
22. §. 3. verb. *Sancimus ut nemo miles adimatur de possessione
sui beneficii, nisi convicta culpa* &c. constat, neminem vasal-
lum, nisi præcedente cognitione causæ & sententia privato-
ria, clientela privari. Inde verbo, *damnentur*, Imperato-
ratorem velle, patet, ut vasallus omittens investituram, in
judicium ad rationem reddendam, & delictum, cujus reus
est,

est, purgandum, vocetur. In cujus sententiæ partes eunt, cum analogia juris idiomaque verbi, tum etiam DD. præcipue MAJERUS in Syntagm. Feud. C. 29. §. 9. & SCHNOBELIUS in Comment. Jur. Feud. L. I. tit. 22. Ex quo fuit, adversariis huncce textum nihil, pro defendenda thesi sua, auxilii præstare.

§. LII. Eadem ratione *text. II. Feud. 24. pr.* non modo parum probare, sed obstare potius contrariæ sententiæ cultoribus videtur. Quamvis enim OBERTUS in eo, renovationem intra legitimum tempus, adjecta amissionis comminatione injungat; ex verbis tamen, *tanquam ingratus existens*, eum de dolosa renovationis omissione sermonem facere colligo; respiciendo tam causas ad donationem revocandam sufficientes, quas atroces & dolo mixtas esse oportet, v. Princip. X. & Rat. decid. §. XXXVI, quam reliquas in eodem tit. recensitas amissionis causas, quam omnes atrocissimas, iisque, ob quas filius exheredatur, & donatario donum auferitur, æquales esse videmus, *II. Feud. 24.* Ejusmodi enim atrocita facta per vocem ingratitudinis exprimi, ex *Rubro & Nigr. text. II. Feud. 57.* innotescit. Quare ille OBERTI textus meæ sententiæ non officit, sed vasallum potius dolose investituram omittentem feudo excidere mecum asserere videtur.

§. LIII. Ad tertiam legem nobis obstantem quod attinet, quæ est *II. Feud. 55. verb. Præterea si quis &c.* negare haud possum, eam propter expressam *incuriam & negligentiam*, ob quam feudum amitti sancit, reliquis refutatu difficiliorem esse: at tamen, adhibita legibus convenienti interpretatione, non adeo nobis eam adversari reperimus. Nam 1) supra dictis in Decid. Rat II. §. XXXIV. respondemus, ubi per *culpam*, sæpe crimen, vel delictum intelligi, prolixè demonstratum est. Sicut autem *negligentia & incuria*, *culpe* synonyma sunt, ita iisdem

II. Rat. Ref. interpretationem textus: II. Feud. 24. pr. comprehendens.

III. Rat. Ref. mentem veram textus II. F. 52. v. Præterea &c. exponens.

verbis culpam dolo mixtam, aut affectatam certe negligentiam, exprimi verosimile est. Observantes igitur 2) solidæ interpretationis regulas, in dubio verba secundum materiam substratam mitiganda esse censemus; cum verba legis asperiora, rigore, animum legislatoris superasse, eumque plus dixisse quam sensisse, probabile ad modum sit; v. HORN. de Interpret. leg. C. IV. eo magis, quod ex aliis textibus in mitiorem partem euntibus, mens legis evidentior ac planior appareat, notumque sit, *in dubio mitiorem semper amplectendam esse sententiam.* v. supra Princip. VI. §. XXIX.

IV. Rat. Ref.
in qua II.
Feud. 24 § 2.
cauteatur.

§. LIV. Porro ad legem II. Feud. 24. §. 2. verb. *quod si non feceris, &c.* qua culpam a fraude distincte separari, & utramque privationis pœna dignam censeretur, adversarii dicunt, reddo: loqui eam de periculo gravissimo vitæ domini ac fortune interitum minanti, quod vassallus, vel negligentia vel fraude, *scienter* celavit, eumque feudo exuendum esse, præcipere. Nam & hoc loco negligentia dolo mixta intelligitur. Quid enim magis dolum redolet, quam scire alicui, cui pietatem & fidem debemus, vitæ insidias strui, & tamen eas non indicare. Quale profecto periculum ex omissione renovationis intra legitimum tempus, ad dominum nequaquam redundare in aprico est. Proinde OBERTUM h. l. negligentiam dolo mixtam, seu affectatam, præcipue cum eam fraudi præposuerit, intellexisse statuendum est.

V. Rat. Ref.
qua II. F. 40.
pr. revehi-
tur.

§. LV. Ad text. II. Feud. 40 pr. renovationem feudi intra legitimum tempus, sub pœna amissionis injungentem, rehero: illum in genere loquentem, per leges se clarius explicantes, interpretandum esse. Quemadmodum vero nullus, in omnibus Feudorum textibus, mentem evidentius hac de re suam prodit, quam II. Feud. 52. in quo sola fraus & dolo, ad omissionem renovationis, feudi jacturam multandam requiritur; simulque ratio sanctionis, verb. *quoniam inter do-*

minum

minum & vassallum nullum malum ingenium intervenire debet, adnexa est. Quapropter hic textus per supra dicta, Princ. VI. reliquis non modo praferendus est constitutionibus, sed hæ etiam obscuræ aut generales, ex illo interpretationem authenticam nanciscuntur.

§. LVI. Nec adversariis, ultima text. II. Feud. 52. verba: *dolus autem abesse videtur, si justa causa impediens steterit*, subveniunt. Nam 1) replico procardjco trito Philosoph: *Uno passio non tollitur alterum*, h. e. cum in hoc textu ponitur: *dolus abesse videtur*, &c. non sequitur: Ergo ob negligentiam, quam vassallus omittendo renovationem adhibuit, feudo privandus est. Sed 2) hoc tantummodo Imperator verbis illis intendit, quodsi justa omissionis causa vassallo obvenerit, suspicionem doli ipso jure cadere, ut ne habeat quidem cliens, cur se excuset. I. Feud. 22. Siquidem nec hodie propterea indultus petitione opus esse, Dn de LUDEWIG perhibet in Diss. de Prorog. Indult. Cap. V. §. 3. Si vero justa causa non adfuerit, sed negligenter, sine dolo omissa fuerit renovatio, dolum non quidem abesse videri: propterea tamen clientem non amittere beneficium, sed arg. I. Feud. 22. verb. *damnentur*, dignum esse, qui in judicium vocetur, & coram Paribus se a presumptione doli, qui alias, justa existente causa non praesumitur, liberet. Hanc ut genuinam Imperatoris mentem esse censeo, ita reliquos textus secundum eam explicandos esse, supra jam monitum est.

§. LVII. Quod Saxonici Juris leges, ab adversæ causæ patronis, meam subvertendi sententiam gratia prolatas spectat, easdem, cum, vel plane de alia investitura loquantur, vel investituræ renovationem sine singularis adjectione poenæ, iungant, parum ad rem facere persuasus sum. Caput enim VII. Jur. Sax. Feud. §. fin. mentem ejus penitus expendentem, non de renovatione investituræ veteris, de qua h. l. sermo est, sed

VI. Rat. Ref. in qua ultima verba textus: II. F. 52. exponuntur.

VII. Refr. tantum Sax. Jur. Ant. textus.

sed de expectativam habente de certo ac determinato feudo, in vernacula: *Benantes Gedinge*, disponere reperimus. Huic, vi hujus textus, ut a die, quo vacuum feudum exitit, intra annum & diem investituram feudi sibi a domino promissi petat, incumbit. Quod si omiserit, dominus ab ipso liber erit, remque feudalem, cuicumque voluerit, concedere poterit. Expectativam vero feudi nondum acquisiti h. l. intelligi, verba: *Ob der Mann verfehmbt das Lebn, daß dem Herrn ledig wird, und ihm das necht zuziehet &c.* indicant. Vox namque *Ledig* hic expectativam de feudo nondum vacuo concessam, indigitat. Vacuum autem feudum illud est, quod mortuo vasallo, successore nullo superstite, ad dominum redit. HORN. Cap. XII. §. 7. At investituram de expectativa, a renovatione investituræ, nimium quantum differre, quis negaverit? utpote cum illa de novo beneficio, primum acquisito sit; hac vero, Antiqui vel Patrii feudi jam antea constituti, & in successorem devoluti, confirmatio celebretur; a qua ad illam, nulla consecutio valet, HORN. Cap. XII. §. 7. & XVII. §. 1.

VIII. Rat. Ref. Caput XXV. J. S. F. expenditur, & in

§. LVIII. Sicut autem *Cap. XV. Jur. Feud. Alem.* pariter ac *Cap. VII. J. S. F.* de Expectativa solummodo agit; ita *Cap. XXV. J. S. F.* verb. *Als mancher Heer-Schild &c.* investituræ quidem renovationem, sed sine ullius pœnæ adjectione, præcipit, eoque ipso adversariorum opinionem parum administratur.

IX. Rat. Ref. Constit. El 45. P. II. restringitur.

§. LIX. Quod idem de *Constit. Elect. 45. P. II.* sine ulla pœnæ excommatione renovationem injungente, dicendum esse existimo; siquidem illa solum ad omissionem investituræ dolosam, tanquam juris antiqui correctoria, contra juris antiqui tenorem, simultaneè investitis renovationem imperans, restringi debet. Et quamvis contrariæ thesios patrioni, eandem ad omissionem culpa factam, extendant; propterea, quod casus, quo cliens ex proarresi & contemptu domini investitu-

stituram differt, vix existere queat; leges autem de rebus plurimum existentibus, non de iis, quæ raro contingunt, constituentur, per l. 3. 4. 5. π. de LL; eadem tamen leges parum ipsis inserviunt. Quandoquidem Regula hæc multifariam limitationem subit. Prout enim 1) in ipsis non modo legibus de rarissimis sæpe casibus constituitur, e. g. l. 3. π. Si pars heredit. petatur, & l. 12. C. de Legitim. Hered; ita 2) in pœnâlibus præsertim & duris raro locum invenit, per Princip. V. & arg. l. 5. π. de Pœnis. in qua Trajanus rescriptissè narratur: *Nec de suspicionibus aliquem damnari debere; satius enim esse, impunitum facinus relinquere nocentis, quam innocentem damnare.* Unde 3) in criminalibus probationes luce meridiana clariores desiderari dicuntur. Huc accedit 4) casum, quo ex prozeli fidelis renovationem omittit, propter innatam hominibus malitiam sua nunquam sorte contentis, & variis machinationibus divitias acquirendi inhærentibus, frequenter accidere posse.

§. LX. Quod porro ad Mandat. Div. JO. GEORGII IV. pertinet, clypei instar Achillei adversam mihi sententiam tueri videtur. At enim vero, supra, in Diss. §. XLVIII. huic dubio jam satisfactum est. Cum enim demonstraverim, Mandatum istud libertatem vassallis, ante sententiam privatoriam se excusandi concedere, verbisque: *Bedencklichkeit und Hinderniß*, non modo causas in Lib. Feud. expressas, sed & alias varii generis, quibus, quo minus officio fungerentur, impediti fuerint, exprimere; ulteriori responsione haut opus esse existimo. Conf. §. XLIX.

§. LXI. Ad Sancita tandem Imperii textumque Speculi Svecici, Lib. II. Cap. 144. n. 2. me convertens, quorum utrumque Doctores, pro sua stabilienda thesi adferunt, confiteor, meam præcipue sententiam, Saxoniz præsertim Beneficia spectare. De Imperii etenim feudis, Statuumque Imperii nexu, cum Imperatoria Majestate differere, liberamque animi sen-

X. Rat. Ref.
interpreta-
tur Mandat.
Jo. Georg.
IV. de An.
1691.

XI. Rat. Ref.
in qua auto-
ritas Speculi
Svecici de-
struitur.

tentiam proferre, res tam ardua est, quam periculosa. Ne tamen plane tacuisse videar, breviter moneo, constare quidem, de Imperialibus feudis, in publicis Imperii Constitutionibus sancitum esse, ut, quotiescunque mutatio aliqua circa Vasalli personam, aut Senioris accidit, investitura in Aula Cæsarea petenda sit; sed, an vasallus negligenter illam differens, feudo privetur, longe alia quæstio est. Textus quippe *Spec. Suev.* unicus me, ut aliam mentis ineam rationem, haut permovet. Ut enim taceam Speculum istud ex Jure Civili, Canonico & antiquis Longob. legibus, hodie usu plurimum destitutis, centonis ad instar confarcinatum esse, v. STRUV. Hist. Jur. German. eaque propter, quoad hunc textum ad nostri temporis Beneficia trahi minime posse; omnem hanc jurium, privata autoritate factam collationem, quamvis GOLDAST. Imperialibus eam Constitutionibus inferuerit, vi sua & autoritate dudum jam excidisse, SPEIDELIUS sub voc. *Sachsen-Spiegel*, monuit. v. STRUV. Hist. c. l. not. †††. In reliquis autem legibus tam duram haud dictatam invenio pœnam; & si adjecta fuerit, eam ad dolosam solummodo renovationis omissionem restringendam esse existimo. Quam meam opinionem mutata nostri Imperii feudorum ab antiquis forma, confirmat. Quem enim fugit Rempubl. Imperii, ab HENRICI Aucupis, ad nostram usque ætatem; a CAROLI M. ævo toto cælo differre? v. RELFENDSO HEROMONT, de Summa Princip. Germ. Potest. Cap. XL p. 189. Quis ignorat, Ducatus veteres & Comitatus a CAROLI M. Herzogiis, instar Vice-Regum, gubernandos traditos ab hujus Imperatoris Successoribus, iisdem ad vitæ dies, quin & filiis ipsorum concessos fuisse. Exinde autem factum est, ut Duces proprias opes stabiliendi, provinciasque sibi concreditas, patrimoniales reddendi, seque ptestate Regum eximendi, optimam occasionem nanciscerentur. Cujus egregium, in HENRICO Aucupe, Regiam

XII. Rat. Ref. qua ostenditur, leges Imperii durius mente ipsarum explicari. Si mulque discrimen inter Feuda Longob. & Feuda Imperii, ex Historia demonstratur.

fere in suis ditionibus, tempore CONRADII, potestatem ex-
 exercente, exemplum habemus. Extincta demum CARO-
 LINGORUM stirpe, Principes Imperii, nemini prorsus fidei
 vinculo adstricti, de libertate regiminis, quam HENRICUS
 infringere laboraverat, iterum cogitantes, surdas Regibus
 praebuere aures. Ditiones autem suas jure hæreditario tenu-
 ere. Singulis tamen ad ditionum suarum statum tuto con-
 stituendum, minime sufficientibus, genus societatis, cujus
 IMPERATOR caput esset, dignitate major, elegerunt. Hoc-
 que nexu feudali ab illo Longobard. multo dissimili; ita, ut
 neque a parte Domini plenam potestatem, neque a vasalli
 parte perfectam subjectionem efficeret, fieri consentiebant.
 Quæ omnia personatus ille HEROMONTANUS Cap. XII.
 fufius exposuit. Quod, ut ex multis indiciis, ita præcipue ex
 feudorum Imperii facie ab antiquis, plurimum deficiente,
 apparet. Nam unum saltem e. c. in medium ut proferamus,
 hodie Principum filii, statim cum dignitate Regali nascun-
 tur, neque successionem in feudum beneficio Imperatoris
 expectant, sed jure suo, a patris morte, etiam ante investitu-
 ram succedunt. Quare IMPERATOR se non tantum inve-
 stituram absque ulla tergiversatione concessurum, sed & eo
 elaboraturum esse, ut omnia & singula Imperii feuda debito
 modo renouentur, diserte pollicetur, v. Capitulat. Leopold.
 Art. 31. verb. *In alle wege wollen Wir uns angelegen seyn lassen,*
 &c. Ne præteream, IMPERATOREM, si feudum apertum
 fuerit, illud in alium pro arbitrio non transferre posse, sed
 Imperio retinere obstrictum esse, ex legibus Capitularibus
 constat, v. HEROMONT. d. l. Quin etiam diversa Imperii
 feuda, jure caduci ad Imperium non redire CHIFFLETIUS
 ap. CONRING. de Fin. Imper. Cap. 27. tradit. Sedem autem
 Trevirensis, ut omnia Imper. Feuda, in Episcopatu aperta
 ad illam devolvantur, Cæsareo Privilegio gaudere, GASTE-

LIUS de Statu Europ. Cap. IX. §. 50. perhibet, testante ITTERO de Feud Imp. Cap. XXIV. §. 10.

Hodie non facile Imperii vasalli, ob omissionem Investituræ, amittunt feuda

§. LXII. Quis autem ex supra commemoratis Longobardorum & nostri Imperii feudorum discrimen non videt? Et quamvis ego, investituram hodie jusque jurandum a vasallis præstandum, nullam aliam utilitatem habere, quam ut defuncti Principis, vel Comitis successores, sibi etiam animum esse in Imperio permanendi declarent, & jurejurando non fucatam amicitiam confirmarent, cum HEROMONTANO illo haut asserere audeam; caute tamen circa privationem Imperii Feudorum procedendum esse, legesque cunctas durius in omissionem investituræ animadvertentes, restringi magis, quam extendi debere, mihi persuadeo. Quare Regulam illam de amissione feudi ob non petitam legitimo tempore investituram, multas omnino exceptiones in omnibus Germaniæ feudis admittere, ROSENTHAL de Feud. Cap. VI Concl. 45. sqq. FICHARD, F. II. Consil. 13. n. 12. sqq. STRUV. Syntr. J. F. Cap. X. alique supra §. L. erudite docuerunt. *Ilustres autem Imperii Vasallos, ne deteriores ceteris Beneficiorum possessoribus sint; Regibus quippe sapius, aut pares, aut parum inferiores & ad majorem in dies libertatem adspirantes, si ob probabilem saltem causam investitura renovationem neglexerint, modo qualicunque ratione neglectum excusent, Feudis haut excidere, suadet ITTERUS in Lib. de Feud. Imp. Cap. XI. §. 5. p. 588. Et hæc sunt, quæ ad Leges ab Adversariis adductas, regenda existimavi*

XIII. R. Ref. in qua argumentum Adversariorum ab Analogia Juris sumtum, destruitur.

§. LXIII. Alterum contrariæ sententiæ defensorum argumentum, ab Analogia Juris, ex Feudalis scilicet negotii qualitate, reliquis contractuum generibus simili, actionibusque ad resarciendum damnum institutis struxerunt; in quibus omnibus *dolum latamque culpam* sibi met invicem æquiparari existimant. His jam satisfaciendum est. Concedimus 1) in civi-

civilibus causis regulariter *latam culpam dolo* comparari, pariter ac in actionibus de damno restituendo &c. recurr. ad §. XIX. supra h. Diss. Hanc attamen regulam, variam pati limitationem constat. Sic juramentum in Litem, ob *dolum*, non æque ob *latam culpam* admittitur; per l. 5. π. de in litem jurando, verb. *Ob dolum solum in litem juratur, non etiam ob latam culpam.* & l. 4. §. fin. verb. *Ex culpa autem non esse jusjurandum deferendum constat &c.* Quis vero ignorat in litem jurari posse, in actionibus in rem, & ad exhibendum B. F. judiciis, per d. l. quæ omnia tamen civilia sunt, sæpiusque ex contractu veniunt. Quod si etiam jusjurandum hoc, in pœnæ locum fieri putemus, quum pœnam irroget ex voluntate jurantis; pecuniaria tamen hic pœna versatur, in qua culpam dolo aliqui conferri, in propatulo est. Sic actio injuriarum, ex plerorumque DD. sententia, non criminalis, sed civilis esse dicitur; utpote qua, neque ad pœnam corporis afflictivam, neque ad pœnam pecuniariam Eisco inferendam, agitur; in quo tamen finis judiciorum criminalium consistit; sed pœnam hæc actio parti, vel actori applicandam, ad famæ scilicet & honoris restitutionem persequitur: neque famosa est; moribus quippe & constitutionibus introducta, in quibus pro famosa haur traditur. Tendit enim ad honoris restitutionem potius, quam ad vindictam; quæ actiones non facile infamant, v. ECKOLT ad tit. de Injuriis §. 26. 27. Interim tamen in hac actione culpa dolo non æquiparatur, l. 5. C. de Injur. & l. 3. π. de Injur. Sic Jure Romano contra furti delictum actiones civiles rei persecutoriæ & pecuniariæ dabantur, arg. §. 5. Instit. de Oblig. quæ ex delict. §. 18. 26. Instit. de Act. on. Hæ vero actiones, deficiente animo contrectandi dolo, institui haur poterant; quia furtum non nisi dolo committitur, arg. l. 50. §. 2. de Furt. Cum igitur ex jam dictis, regulam, *quod culpa in civilibus dolo comparatur*, multifariam subire limitationem, appareat; nescio

G 3; sane,

sane, quid impediatur, quo minus eandem exceptionem in feudali contractu admittamus: præsertim cum *nullum malum ingenium inter dominum & vasallum intervenire præsumatur*, & disertis verbis: *dolosa investitura & amissio* a Legislatore II. Feud. 52. exprimatur. Huc 2) accedit, Feuda ab omnibus Civilibus contractibus, ratione formæ & substantiæ, nimium quantum differre, quod ex II. Feud. 6. ubi vasalli officium describitur, perspicuum satis redditur. Quare ab his ad illa conclusio vix ac ne vix quidem commode formari potest. Quid? quod 3) omissio renovationis sub Feloniæ nomine veniat; nos autem de feudis judicantes, in jure speciali, a reliquis juriû generibus plane separato versetur, ne sine urgente necessitate ad alia recurramus, provide cavendum est. Scimus autem gravissimam in Feudorum materia, pœnam consistere in amissione feudi, atrocissimaque facta, eadem puniri, quibus ommissio renovationis, nullo modo nullaque ratione accenseri poterit. Eo minus, quo certius est, Feloniam in Feudorum textibus; nihil aliud, quam dolosum crimen indicare: id quod ex natura vocis ejusque significato conjicimus. Quia Longobardis *Felonia* idem est, quod latino idiomate *Scelus*, & in vernacula; *Schelmerey* vel *Bosheit*, vocare solemus. vid. HOTOMANN. Comment. de Verb. Feud. sub voce: *Felonia*, pag. 19. Ex quo patet, verbum Feloniæ non culpam, aut negligentiam, sed animum defraudandi, dominumque injuria efficiendi, exprimere. Nec 4) prætermittendum est, *Conditionem ex moribus*, domino, ad repetendum beneficium, competentem, actione injuriarum commixtam esse; solam vero injuriæ causam efficientem, dolum esse, h. e. animum ex proæresi aliquem injuria, aut contumelia efficiendi, quem fugit? l. 3. n. de Injur. & famos. lib. & l. 5. C. de Injur. vid. ECKOLT. Comment. in n. h. l. §. 3. *Facere injuriam enim nemo potest, nisi qui scit, se injuriam facere; & si quid non convitii consilio te aliquid fecisse proba-*

probaveris, fides veri a calumnia te defendit. d. l. Quæ vero mens, aut animus dominum injuria lædendi in vasallo, ex negligentia & incuria tantum, investituræ renovationem omitte-
 tente, non reperitur. Quare, nec Conditionem ex moribus hoc casu domino dari vel competere colligimus. Addo 5) culpam & dolum in omittendo solum se exercentem, in omni delictorum genere, præcipue autem in *injuriis*, a dolo & culpa, quæ committendo exercentur, distingui, per *l. 13. π. de Injur. & fam. lib. h. m.* facientem: Quod si quis id, quod in honorem alicujus facere debuit, omiserit, quamvis contumeliæ causa factum sit, non injuriarum tenetur. *Magnum enim d. l.* addit, *discrimen interest, contumelia causa quid facere, & ejusdem causa quid omittere, aut, ut fiat, non permittere.* Hæc ad nostram applicantibus materiam, vasallum renovationem ex culpa omittentem, non Feloniæ reum existere, ac proinde, si vel maxime pœna dignus sit; non pari tamen cum vasallo dolose dominum contemnente, pœna, h. e. privatione feudi afficiendum esse, apparet.

§. LXIV. Ad ultimi denique argumenti, quo Beneficia XIV. R. Ref donationibus comparant, & ab uno ad alterum concludunt, resolutionem progredior. Qua quidem opus haut esset, utpote qui satis perspicue partim in Princip. IX. X, partim in Decid. Ratione a Donatione sumta, hujus argumenti infirmitatem ad vivum refecavimus: paucis tamen, ordinis gratia, jam dicta repetemus, & quæ forte omissa sunt, adjiciemus. Notemus igitur, ipsammet comparationem Feudorum cum donatione, quam instituunt, præ reliquis opinionem eorum destruite, ipsosque adeo adversarios proprio se jugulare ferro. Etenim si donatarium non ob qualemcunque causam, sed atrocem, & talem, qualem *l. 1. & fin. C. de Revoc. Donat.* expressam legimus, dolo privari posse certum est; feuda pariter ob atroces solummodo & graves injurias vasallis auferri posse.

posse, necessario sequitur. Talem autem non esse nudam investituræ omissionem, facillime perspicimus. At regerunt : neglectiorem renovationis intra legitimum tempus, indistincte ab ipsis legibus ingratitudinis causis adnumerari, & nostri proinde officii esse, secundum leges judicare, non vero in æquitatem illarum inquirere. Sed respondemus iis, quæ supra Princip. V. & VI. posuimus. Nimirum distinguendum esse inter legem, certam in se proponentem sententiam, adeoque doctrinalem interpretationem respicientem; & inter pœnale sancitum ab alia lege dissentiens ac propter obscuritatem dubium: cujus investigare mentem, & genuinum penetrare sensum nullibi prohibetur. Textibus ergo Feudorum de omissione renovationis ejusque pœna obscure & diversimode sentientibus, in eosdem simul inquirendi, eosque secundum interpretationis doctrinalis regulas interpretandi, libertatem nanciscimur. Quemadmodum vero probabile est, substratam materiam animo legislatoris semper obversari, verba licet latius pateant, arg. l. 17. n. de LL; ita in Constitutionibus, de omissione renovationis ejusque pœna, durius partim, partim benignius agentibus, animus Legislatoris comparisonem feudorum, ratione pœnæ, cum donationibus facientis considerandus est, verbaque ejus genuino sensui aptari debent: legibus præcipue existentibus, in quibus se Nomothea de eo, quod in una lege obscurius protulit, adjiciendo rationem manifestius explicuit. Quod Imperatorem II. Feud. 52. fecisse, supra demonstravimus §. XXXII. Licet etiam adversarii iterum regerant: donationem sub modo & conditione factam, utique revocari posse, si modum illum vel conditionem non adimplere velit donatarius, per l. 12. C. de Revoc. Donat. verb. *vel quasdam conventiones* &c. feudum autem pro donatione sub modo reputari debere, sub eo, inquam, modo, ut fidem habeat domino, servitiumque præbet. Verum respondeo 1) feudum,

feudum, si vel maxime cum donatione comparatur, non ei, quæ sub modo celebrata est, sed remuneratoriæ potius conferendum esse; utpote cujus indoli, tam ratione *causa impulsiva*, quam ratione *causa finalis*, proxime accedit. Ratione *causa impulsiva* feuda propter bene merita, ut ex Historia patet, pariter ac remuneratorias; concedi solere, certum est. Ratione *causa finalis* vero acquiruntur propter servitia; quæ servitia non tam pro modo, quam pro munere reputanda sunt, vid. FACHIN. Controv. Lib. VII. pag. 604. Quodsi ergo *fidelis* servitia præstare nolit, eum feudo merito privandum esse censeo. Sed investitura ejusque renovatio, non pro servitio, sed tantum pro agnitione domini directi & promissione servitiorum haberi debet. Cujus omissio, si vel maxime ad amissionem sufficiat: id tunc procedere sentio, quando investituram, vel dolose, vel a domino ad eam vocatus petere noluerit. *II. Feud. 24. §. 1. & II. Feud. 26. c. Licet vassallus domino servitium non offerat, quancunque tempore peterit, dummodo domino petenti servire paratus sit: beneficium non amittit.* Nimium quantum autem differt, nolle aliquid facere, & aliquid negligenter differre. Ut taceam 2) remuneratoriæ donationem, cui Beneficia conveniunt, plane non revocari posse, per *l. 26. de Condit. Indebit. §. 12.* 3) Accedit differentia hodiernorum feudorum titulo oneroso comparatorum, ab antiquis lucrative concessis. Quæ uberior in Ration. Decid. § XXXVIII. deducta invenies. Licet etiam adversarii objiciant; onerosum titulum; quo clientelæ acquiruntur, nihil facere, quo minus feudum gratuitum beneficium, & a domini benevolentia profectum sit; idque triplici ratione corroborant. vid. Rat. Dub. §. XXI. Replico tamen ad I. objectionem: α) petitionem principii esse, Feuda, Germaniæ præcipue, quæ hodie pretio comparantur, gratuita fuisse; quum partim per *oblationem*, partim alio modo naturam feudi induerint. v. supra Rat. Decid. § XL. β) Si concedamus, gratuito olim Feuda concessa fuisse; id tamen non mere gratuito, sed partim pro meritis, partim pro servitiis præstandis factum est, proptereaque remuneratoriæ, quæ irrevocabilis est, naturam induerunt. γ) In quacunque alienatione pretium rei æquale intervenit, non donationem, sed emti venditi contractum celebrari Leges affirmant. Proinde δ) *fidio & partium appellatio, ei, quod in veritate est, cedit*, per gloss. DD. ad *l. fin. C. de Revoc. Donat.* Quare ε) si dominus vel maxime feudum vassallo, ob omisam negligenter investituram, auferre velit, pretium saltem, pro feudo datum, restituendum,

H

dum,

dem est; ne dominus damno vasalli locupletior fiat, quod leges prohibent. Ad II. objectionem reddo: pretio comparata feuda, non respectu substantiæ & formæ feudalis quidem in fide vasalli erga dominum, & servitiis præstandis, consistentis, naturam beneficii mutare; bone tamen quoad accidentalia; ad quæ modos, tam acquirendi, quam amittendi, referri posse censeo. Ad III. denique objectionem regeo: quamvis Feudum nummis comparatum, non beneficii naturam mutet, cum satis benignitatis sit, quod dominus eum vasallum investiendo, eum potius, quam alium admittere voluerit; hæc tamen benignitas tituli onerosi naturam, cujus qualitas, etiam in ejusmodi beneficio remanet, in lucrativi tituli naturam haud convertit, ut satis prolixè §. XXXVIII. demonstravimus.

Rat. Ref. XV. § LXV. Et hæc sunt, quæ ad Dubia adversariorum infringenda & discutienda mihi per Dissertationis limites, in medium proferre licuit. Tametsi vero contrariæ sententiæ Patroni, plurium Celeberrimorum Doctorum auctoritatem in subsidium vocare possint, hoc tamen ad rem ipsam parum facit: cum & doctissimi Juri homines sint, & non tam auctoritate, quam ratione pugnare Jurisperitum deceat. Accedit, quod nec mihi Præstantissimorum Jurisconsultorum, qui meæ sententiæ fauerunt, & contraria tot Provinciarum consuetudine veteres tam duras Leges, in quamcunque Renovationis omissionem, feudi privationem statuentes, abrogatas dudum esse consenserunt. vid. §. L. h. Diss.

Conclusio.

§. LXVI. Nihil itaque amplius sperest, quam ut Dissertationis meæ filum abruptam, & an proposito satisfecerim, solidissimæ B. L. adjudicationi relinquam. Hoc tantum adhuc moneo, varias ex quaestione in hac Dissert. decisæ, quo magis utilitate se sua commendaret, formari potuisse conclusiones. Sed tam penuria temporis, quam operis ratio, voluntati frenum injecerunt. Fortasse alio tempore, quo id, quod hic omissum est, refarciam, occasionem nanciscar. S. D. G.

Errata typographica.

pæg. 3. lin. 23. & 29. pro *acquirere* lege: *acquirere*, & l. ult. pro *acquirunt*, lege: *acquirunt*, p. 4. l. 2. pro *acquiritur* leg. *acquiritur*, p. 41. l. 20. pro *beneficia* leg. *beneficia*, p. 13. l. 19. pro *contentu* leg. *contentu*, ibid. 23. pro *per l.* *per l.* p. 14. l. 7. pro *Longibard* l. *Longobard*, p. 17. l. 25. pro *qualitatem* l. *qualitatem*, p. 18. l. ult. pro *principi* l. *principia*, p. 19. l. 1. pro *decidendi* l. *decidendi*, p. 20. l. 8. & 9. pro *persona* l. *persona*, p. 30. l. 19. pro *anferrendo* l. *anferendo*, p. 31. l. 3. pro *bae l. babe*, p. 32. l. 9. pro *prætere* l. *prætere*, p. 32. l. 16. pro *adplicande* leg. *adplicanda*, p. 42. l. 4. pro *Imperial* leg. *Provinc.* p. 45. l. 16. pro *quam* leg. *quas*.